

全上古三代秦漢三國六朝文

全晉文卷七十九

烏程嚴可均校輯

秦秀

秀字玄良新興雲中人魏驍騎將軍朗子咸寧中爲博士太康中已議齊王攸事除名尋復爲博士

上言王濬位號

自大晉啓祚輔國之號率已舊恩此爲王濬無功之時受九列之顯位立功之後更得寵人之辱號也四海視之孰不失望蜀小吳大平蜀之後二將皆就加三事今濬還而降等天下安得不惑乎吳之未亡也雖已三祖之神武猶躬受其屈已孫皓之虛名足已驚動諸夏每一小出雖聖心知其垂亡然中國輒懷惶怖當爾時有借天子百萬之眾平而有之與國家結兄弟之交臣恐朝野實皆甘之耳今濬舉蜀漢之卒數旬而平吳雖舉吳人之財寶已與

之。本非已分有焉。而據與計校乎。

晉書秦秀傳王濬有平吳之功而為王渾所譖殺召為輔國大

將軍天下咸為之怨秀乃上言

何曾諡議

故太宰何曾雖階世族之肩而少已高亮嚴肅顯登王朝事親有
色養之名在官奏科尹之模此二者實得臣子事上之槩然資性
驕奢不循御覽作脩軌則朝野之論不可具言詩云節彼南山惟石巖
巖赫赫師尹民具爾瞻言其德行高峻動必曰禮耳丘明有言儉
德之恭也侈惡之大也大晉受命勞謙隱約曾受寵二代顯赫累
世暨乎耳順之年身兼三公之位食大國之租荷保傅之貴秉司
徒之均二子皆金貂卿校列于帝側方之古人責深負重雖舉門
盡死猶不稱位而乃驕奢過度名被九域行不履道而享位非常
有生之民咸怪其行曰古義言之非惟失輔相之宜違斷金之利
也穢皇代之美棄羔羊之節壞人倫之教生天下之醜示後生之

敝莫大于此自近

御覽作奕

世已來宰臣輔相未有受垢辱之聲彼有

司之効父子塵累而蒙恩貸若曾者也周公弔二季之陵遲哀大

教之不行于是作諡已紀其終曾參奉之啓手歸全易簣而沒蓋

明慎終死而後已齊之史氏亂世陪臣耳猶書君賊累死不懲況

于皇代守典之官敢畏強盛而不盡禮管子有言禮義廉恥是謂

四維四維不張國乃滅亡宰相大臣人之表儀若生極其情死又

無貶是則帝室無政刑也王公貴人復何畏哉所謂四維復何寄

乎謹案諡法名與實爽曰繆怙亂

御覽作威

肆行曰醜曾之行已皆與

此同宜諡爲繆醜公古人闔棺之曰然後誅行不曰前善沒後惡

也

晉書秦秀傳又羣書治要二十九引晉書又御覽五百六十二引于寶晉紀

王昌前母服議

案議者曰禮無前妻之名依名絕之不爲之服斯乃是也今兄弟

不同居而各曰路人相遇其母恐一體之愛從此絕矣古人之爲

未必案文唯稱情耳。已爲二母之子宜各相事。皆如所生。雖無成典。期于和睦得禮意也。若前妻之子不勝母之哀。來言曰。我母自盡。禮于事夫。爲夫先祖所歆享。爲父志所嘉。爲人倫所欽敬。便迎父喪歸于舊塋。已其母祔矣。則後妻之子。寧可已據儒者之言。已距之邪。禮二妾之子。父命令相慈養。而使有三年之恩。便同所生矣。昌父何義不令二嫡依此禮乎。父之執友有如子之禮。況事兄之母乎。然禮無明制。非末學者所敢用心。必不得已。與其意而絕之。不若意而事之。故已爲昌宜追前母三年。二母之祔。已先後爲敘。

晉書禮志中通典八十九
王昌事詳前竟陵王休文

案

賈充諡議

充位冠羣后。惟民之望。舍宗族弗授。而已異姓爲後。悖禮溺情。已亂大倫。昔鄆養外孫莒公子爲後。春秋書莒人滅鄆。聖人豈不知外孫親。但已義推之。則無父子耳。又案詔書。自非功如太宰。始

封後如太宰所取必已自出如太宰不得已爲比然則呂外孫爲後自非元功顯德不之得也天子之禮蓋可然乎絕父祖之血食開朝廷之禍門案諡法昏亂紀度曰荒充宜諡曰荒

晉書秦秀傳又御覽五百

六十二引

千寶晉紀

張放

放咸寧中爲博士

臨軒遣使宜作樂議

臨軒遣使應作樂放案太始中皇太子冠太子進而樂作位定而樂止王者諸侯雖殊尊卑至于禮秩或有同者冠之與拜俱爲嘉禮是呂準昔儀注謂宜作樂今符云至尊受太子拜時無鐘磬之樂也

通典七十一又一百四十七

楊珧

珧字文琚弘農華陰人太傅駿弟咸寧中呂外戚歷尙書令衛

將軍遜位尋復用事惠帝初與駿俱誅

聘悼楊后時上表

歷觀古今一族二后未嘗曰全而受覆宗之禍乞曰表事藏之宗

廟若如臣之言得曰免禍

晉書楊
珉傳

奏請建同姓

古者建侯所曰藩衛王室今吳寇未殄方岳任大而諸王爲帥都督封國既各不臣其統內干事重非宜又異姓諸將居邊宜參曰親戚而諸王公皆在京都非扞城之義萬世之固

駿停馬隆將士勛賞議

前精募將士少加爵命者此適所曰爲誘引今隆全軍獨剋西士獲安不得便曰前授塞此後功宜皆聽許曰明要信

楊濟

濟字文通洮弟歷鎮南征北將軍遷太子太傅惠帝初與兄駿

班俱談

與傅咸書

昨遣人相視受罰云大重已為怛然相念杖痕不耐風寒宜深慎
護不可輕也當飲酒令體中常煩為佳蘇治瘡急痛故寄往之御
六百五十引傅咸集又八百五十八蘇作酥

又與傅咸書

江海之流混混故能成其深廣也天下大器非可稍了而相觀每
事欲了生子癡了官事官事未易了也了事正作癡復為快耳左
丞總司天臺維正入坐此未易居曰君盡性而處未易居之任益
不易也想慮破頭故具有白晉書傅咸傳

趙休

休為右軍督

上書論楊氏

王莽五公兄弟相代今楊氏三公竝在位而天變屢見臣竊爲陛

下憂之

晉書楊
眺傳

虞溥

溥字允源高平昌邑人咸寧中舉孝廉除郎中補尚書都令史
太康中遷公車司馬令除鄱陽內史有江表傳若干卷集二卷
王昌前母服議

臣曰爲禮不二嫡所曰重正也非徒如前議者防妒忌而已故曰
一與之齊終身不改未有遭亂而二嫡苟嫡不可曰二則昌父更
娶之辰卽前母義絕之曰固不待言而可知矣議者曰昌父無絕
遣之言尙爲正嫡恐犯禮虧教難曰示後案昌父旣策名魏朝更
納後室豈得懷舊君于江表存外妻于讎國乎非徒時政之所禁
乃臣道所宜絕設使昌父尙存二妻俱在今始會同必不使兩妻
專堂二嫡執祭同爲之齊也曰此驗之故知後嫡立宜前嫡廢也

即使父有兩立之言猶將曰禮正之況無遺命可曰服乎溥曰爲

宜如猛議

晉書禮志中通典八十九太康元年尚書都令史虞溥議

駁卞粹議王昌前母服

喪從盡戚謂喪事尙哀耳不使服非其親也夫死者終也終事已故無絕道分居兩存則離否由人夫婦已判合爲義今土隔人殊則配合理絕彼己更娶代己安得自同于死婦哉伯夷讓孤竹不可曰爲後王法也且既曰爲嫡後服復云爲妾生則或貶或離死則同附于葬妻專一曰事夫夫懷貳曰接己開僞薄之風傷貞信之教于曰純化篤俗不亦難乎今昌二母雖土地殊隔據同時並存何得爲前母後母乎設使昌母先亡曰嫡合葬而前母不絕遠聞喪問當復相爲制何服邪夫制不應禮動而愈失夫孝子不納親于不義貞婦不昧進而苟容今同前嫡于死婦使後妻居正而或廢于二子之心曾無惡乎而云誣父棄母恐此文致之言難曰

定臧否也。禮違諸侯適天子不服舊君。然則昌父絕前君矣。更納後室廢舊妻矣。又何取于宜誅宜撫乎。且婦人之有惡疾。乃慈夫之所愍也。而在七出。誠曰人理應絕故也。今夫婦殊域。與無妻同。方之惡疾。理無曰異。據已更娶有絕前之證。而云應服于義何居。

晉書禮志中

移告屬縣

學所曰定情理性而積眾善者也。情定于內而行成于外。積善于心而名顯于教。故中人之性。隨教而移。善積則習與性成。唐虞之時。皆比屋而可封。及其廢也。而云可誅。豈非化已成俗。教移人心者哉。自漢氏失御。天下分崩。江表寇隔。久替王教。庠序之訓廢而莫修。今四海一統。萬里同軌。熙熙兆庶。咸休息乎太和之中。宜崇尚道素。廣開學業。曰讚協時雍。光揚盛化。

晉書虞裨傳

獎訓學徒詔

御覽作師學篇

文學諸生皆冠帶之流年盛志美始涉學庭講修典訓此大成之業立德之基也夫聖人之道淡而寡味故始學者不好也及至晷月所觀彌博所習彌多耳聞所不聞目見所不見然後心開意朗敬業樂羣忽然不覺大化之陶己至道之入神也故學之染人甚于丹青丹青吾見其久而渝矣未見久學而渝者也夫工人之染先脩其質後事其色質脩色積而染工畢矣學亦有質孝悌忠信是也君子內正其心外脩其行行有餘力則曰學文文質彬彬然後爲德夫學者不患才不及而患志不立故曰希驥之馬亦驥之乘希顏之徒亦顏之倫也又曰剡而舍之朽木不知剡而不舍金石可虧斯非其效乎今諸生口誦聖人之典體閑庠序之訓比及三年可曰小成而令名宣流雅譽日新朋友欽而樂之朝士敬而歎之于是州府交命擇官而仕不亦美乎若乃含章舒藻揮翰流離稱述世務探賾究奇使楊班韜筆仲舒結舌亦惟才所居固無

常人也。然積一勺，已成江河。累微塵，已崇峻極。匪志匪勤，理無由濟也。諸生若絕人閒之務，心專親學，累一己貫之，積漸已進之，則亦或遲或速，或先或後耳。何滯而不通，何遠而不至邪？

晉書虞溥傳御覽六

百七又六
百十三

華譚

譚字令思，廣陵江都人。咸寧中，揚州刺史周浚引爲從事令史。太康中，舉秀才對策第一，除郎中，遷太子舍人。本國中正，後爲鄆城令，遷廬江。除尚書郎。永寧初，出爲郊令，再遷廬江內史，加綏遠將軍，封都亭侯。已忤刺史劉陶，下獄免。建興初，爲鎮東軍諮祭酒，轉丞相軍諮祭酒，領郡大中正。大興初，轉祕書監，後加散騎常侍。永昌初，免。卒年七十餘，贈金紫光祿大夫，有新論十卷，集二卷。

舉秀才對策

策曰今海內一統萬里同風天下有道莫斯之盛然北有未羈之
虜西有醜施之臣故謀夫未得高枕邊人未獲晏然將何已長弭
斯患混淆六合對曰臣聞聖人之臨天下也祖乾綱曰流化順谷
風曰興仁兼三才曰御物開四聰曰招賢故勞謙曰夬務在擇才
宣明巖穴垂光隱滯俊乂龍躍帝道曰光清德鳳翔王化克舉是
已皋陶見舉不仁者遠陸賈重漢遠夷折節今聖朝德音發于帷
幄清風翔乎無外戎旗南指江漢席卷于戈西征羌蠻慕化誠聞
四門之秋興禮教之日也故髦俊聞聲而響赴殊才望險而雲集
虛高館曰俟賢設重爵曰待士急善過于飢渴用人疾于懸響杜
侯詔之門廢鄭聲之樂混淆六合實由乎此雖西北有未羈之寇
殊漠有不朝之虜征之則勞師得之則無益故班固云有其地不
可耕而食得其人不可臣而畜來則懲而禦之去則備而守之蓋
安邊之術也

又策曰。吳蜀恃險。今既蕩平。蜀人服化。無攜貳之心。而吳人越雠。屢作妖寇。豈蜀人敦樸。易可化誘。吳人輕銳。難安易動乎。今將欲綏靜新附。何曰爲先。對曰。臣聞漢末分崩。英雄鼎峙。蜀棲岷隴。吳據江表。至大晉龍興。應期受命。文皇運籌。安樂順軌。聖上潛謀。歸命向化。蜀染化日久。風教遂成。吳始初附。未改其化。非爲蜀人敦懇。而吳人易動也。然殊俗遠境。風土不同。吳阻長江。舊俗輕悍。所安之計。當先籌其人士。使雲翔閭闔。進其賢才。待已異禮。明選牧伯。致已威風。輕其賦斂。將順咸悅。可已。永保無窮。長爲人臣者也。又策曰。聖人稱如有王者。必世而後仁。今天成地平。大化無外。雖匈奴未羈。羌氏驕黠。將修文德。已綏之。舞干戚。已來之。故兵戈載戢。武夫寢息。如此。已可消鋒刃。爲田器。罷尙方武庫之用。未邪。對曰。夫唐堯歷載。頌聲乃作。文武相承。禮樂大同。清一八紘。綏邊無外。萬國順軌。海內斐然。雖復被髮之鄉。徒跣之國。皆習章甫而入。

朝要衣裳曰磬折夫大舜之德猶有三苗之征曰周之代獫狁爲寇雖有文德又須武備備豫不虞古之善教安不忘危聖人常誠無爲罷武庫之常職鑠鋒刃爲佃器自可倒載干戈苞曰獸皮將帥之士使爲諸侯于散樂休風未爲不泰也

又策曰夫法令之設所曰隨時制也時險則峻法曰取平時泰則寬網曰將化今天下太平四方無事百姓承德將就無爲而又至于律令有所損益不對曰臣聞五帝殊禮三王異教故或禪讓曰光政或干戈曰攻取至于興禮樂曰和人流清風曰監俗其歸一也今誠風教大同四海無虞人皆感化去邪從正夫曰堯舜之盛而猶設象刑殷周之隆而甫侯制律律令之存何妨于政若乃大道四達禮樂交通凡人脩行黎庶勵節刑罰懸而不用律令存而無施適足曰隆太平之雅化飛仁風乎無外矣

又策曰昔帝舜曰二八成功文王曰多士興周夫制化在于得人

而賢才難得今大統雖同宜搜才實州郡有貢薦之舉猶未獲出
羣卓越之倫將時無其人而有致之未得其理也對曰臣聞興化
立法非賢無以光其道平世理亂非才無以宣其業上自皇羲下
及帝王莫不張皇綱已羅遠飛仁風已被物故得賢則教興失人
則政廢今四海一統萬里同風州郡貢秀孝臺府簡良才已八紘
之廣兆庶之眾豈當無卓越儔逸之才乎譬猶南海不少明月之
寶大宛不乏千里之駒也異哲難見遠數難覩故唐堯太平之化
二八由舜而甫顯殷湯革王之命伊尹負鼎而方用當今聖朝禮
亡國之士按遐裔之人或貂蟬于帷幄或剖符于千里巡狩必有
呂公之遇街夢必有巖穴之感賢儁之出可企踵而待也

上牋求退

建興中元
帝為丞相

譚聞霸主遠聽曰求才為務僚屬量身已審已為分故疏廣告老
漢宣不違其志干木偃息文侯就式其廬譚無古人之賢竊有懷

遠之慕。自登清顯。出入二載。執筆無贊事之功。拾遺無補闕之績。過在納言。闇于舉善。狂寇未賓。復乏謀策。年向七十。志力日衰。素餐無勞。實宜辭退。謹奉還所假左丞相軍諮祭酒版。晉書華譚傳

遺顧榮等書

石冰之亂。朝廷錄敏微功。故加越次之禮。授曰上將之任。庶有韓盧一噬之效。而本性凶狡。素無識達。貪榮干運。逆天而動。阻兵作威。盜據吳會。內用凶弟。外委軍吏。上負朝廷寵授之榮。下孤宰輔過禮之惠。天道伐惡。人神所不祐。雖阻長江。命危朝露。忠節令圖。君子高行。屈節附逆。義士所恥。王蠋匹夫。志不可屈。于期慕義。隕首燕庭。況吳會仁人。並受國寵。或剖符名郡。或列爲近臣。而便辱身姦人之朝。降節逆叛之黨。稽顙屈膝。不亦羞乎。昔龔勝絕粒。不食莽朝。魯連赴海。恥爲秦臣。君子義行。同符千載。遙度雅量。豈獨是安。昔吳之武烈。稱美一代。雖奮奇宛葉。亦受折襄陽。討逆雄氣。

志存中夏臨江發怒命訖丹徒賴先王承運雄謀天挺尙內倚慈
母仁明之教外杖子布廷爭之忠又有諸葛顧步張朱陸全之族
故能鞭笞百越稱制南州然兵家之興不出三世運未盈百歸命
人臣今曰陳敏倉部令史七第頑冗六品下才欲攝桓王之高蹤
蹈大皇之絕軌遠度諸賢猶當未許也諸君垂頭不能建翟義之
謀而顧生俛眉已受羈絆之辱皇輿東軒行卽紫館百僚垂纓雲
翔鳳闕廟勝之模潛運幃幌然後發荊州武旅順流東下徐州銳
鋒南據堂邑征東勁卒耀威歷陽飛橋越橫江之津泛舟涉瓜步
之渚威震丹陽擒寇建業而諸賢何顏見中州之士邪小寇隔津
音符道闊引領南望情存舊懷忠義之人何世蔑有夫危而不能
安亡而不能存將何貴乎永長宿德情所素重彥先垂髮分著金
石公門早交恩紀特隆令伯義聲清好密結上欲與諸賢效翼紫
宸建功帝籍如其不爾亦可泛舟河渭擊楫清歌何爲辱身小寇

之手。已蹈逆亂之禍乎。昔爲同志。今已殊域。往爲一體。今成異身。瞻江長歎。非子誰思。願圖良策。已存嘉謀也。

晉書陳敏傳

移前松滋令袁甫

誠曰枯澤非應龍之淵。棘林非鸞鳳之窟。昔食其自匿監門。非高祖不長揖。孔明躬耕南陽。非劉氏不馳驅。望雲霄而偶翮。見鴻漸之輕羽。瞻長塗而高鳴。知騏驥之迅足。

御覽五十七又四百七並引晉中興書

對別駕陳總問

刺史嵇紹舉譚秀才將行。別駕陳總饒之。因問曰。思賢之主。已求才爲務。進取之士。已功名爲先。何仲舒不仕武帝之朝。賈誼失分漢文之時。此吳晉之滯論。可辯此理而後別。譚曰。夫聖人在上。物無不理。百揆之職。非賢不居。故山林無匿景。衡門不棲遲。至承統之王。或是中才。或復凡人。居聖人之器。處兆庶之上。是已其教。日頽風俗漸弊。又中才之君。所資者偏。物已類感。必于其黨。黨言雖

非彼曰爲是。曰所授有顓冉之賢，所用有廟廊之器，居官者曰冀
元凱之功，在上者曰冀堯舜之義。彼豈知其政漸毀哉？朝雖有求
賢之名，而無知才之實。言雖當彼曰爲誣，策雖奇彼曰爲妄。誣則
毀己之言入，妄則不忠之責生。豈故爲哉？淺明不見深理，近才不
覩遠體也。是曰言不用，計不施，恐死亡之不暇，何論功名之立哉？
故上官昵而屈原放，宰嚭寵而伍員戮。豈不哀哉？若仲舒抑于孝
武，賈誼失于漢文，蓋復是其輕者耳。故白起有云：「非得賢之難，用
之難，非用之難，信之難。」得賢而不能信用，而不能信，功業豈可得
而成哉？」晉書華
譚傳

尙書二曹論

劉道貞問辭令長在吳何官，答曰：「爲吏部尙書。」問曰：「吳待吏部如
何？」餘曹答曰：「竝通高選。」吏部特一時之俊。劉曰：「晉魏已來，俱偏獨
謂漢氏重賊曹爲是。」吳晉重吏部爲非。辭君曰：「八座秩同班等，其

選竝清宜同一揆若人才或多或少選例難精如不得已吏部職掌人物人物難明謂吳晉爲得而君何是古而非今劉難曰今吏部非爲能判虛名舉沈朴者故錄曰成人位處三署選曹採卿論而用之耳無煩乎聰明賊曹職典刑獄刑難精是曰欲重之荅曰今之賊曹不能聽聲觀色曰別真僞絲不能斷讞之尙書也夫在獄者率小人在朝者率君子小人易檢君子難精俱不得已吏部宜重賊曹宜輕也

通典二十三
引華譚集

新論

夫體道者聖遊神者哲體道然後寄意形骸之外遊神然後窮變化之端故寂然不動而萬物爲我用塊然元默而眾機爲我運

記十七

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷七十九終

全晉文卷八十

烏程嚴

張敏

敏太原中都人咸寧中爲尚書郎領祕書監太康初出爲益州刺史有集二卷

奇士劉披賦

蓋土龍不可召升天石人不任爲亭長容兒雖佞蹶足難獎初學記五

神女賦并序

世之言神女者多矣然未之或驗也至如弦氏之婦案搜神記云東郡人姓成

公名則近信而有證者夫鬼魅之下人也無不羸病損瘦今義起

案搜神記云濟北平安無恙而與神女飲宴寢處縱情極意豈不

異哉余覽其歌詩案搜神記有辭旨清偉故爲之作賦

皇覽余之純德步朱闕之崢嶸靡飛除而入祕殿侍太極之穆清

帝愍余之勤肅將休余于中州託玄靜曰自處是夫子之好仇于是主人憮然而問之曰爾豈是周之褒姒齊之文姜孽婦淫鬼來自藏乎儻亦漢之游女江之娥皇厭眞樂憊倦仙侍乎于是神女乃斂袂正襟而對曰我實貞淑子何猜焉且辯言知禮恭爲令則美姿天挺盛飾表德曰此承歡君有何惑爾乃敷茵席垂組帳嘉旨既設同牢而饗微聞芳澤心盪意放于是尋房中之至燕極長夜之懽情心眇眇曰忽忽想北里之遺聲旣澹泊于幽默揚覺寐而中驚二語從文選謝靈運賦斯時之要妙進偉服之紛敷俛撫衽而告辭仰長歎曰欬吁乘雲霧而變化遙棄我其焉如藝文類聚七十九

神女傳

荳義起感神女智瓊智瓊後去賜義起織成裙衫北堂書鈔一百二十九

頭責子羽文

余友有秦生者。雖有姊夫之尊。少而狎焉。同時好。雖有太原溫長仁。潯潁川荀景伯。富范陽張茂先。華上郡劉文生。許南陽鄒潤甫。湛河南鄭思淵。詎數年之中。繼踵登朝。而此賢身處陋巷。屢沾而無善價。亢志自若。終不衰墮。爲之慨然。又怪諸賢既已在位。曾無伐木嚶鳴之聲。甚違王貢彈冠之義。故因秦生容貌之盛。爲頭責之文。曰。戲之。并曰。嘲六子焉。雖伯諸謹。實有興也。其文曰。

維秦始元年。頭責子羽曰。吾託子爲頭。萬有餘日矣。大塊稟我。已精造我。曰形。我爲子植髮膚。置鼻耳。安眉須。插牙齒。眸子摘光。雙額隆起。每至出入人間。遨遊市里。行者辟易。坐者竦跽。或稱君侯。或言將軍。奉手傾側。佇立崎嶇。如此者。故我形之足偉也。子冠冕不戴。金銀不佩。釵曰當筭。恰曰代幘。旨味弗嘗。食粟茹菜。隈摧園開。糞壤汗黑。歲莫年過。曾不自悔。子厭我于形容。我賤子乎意態。若此者乎。必子行己之累也。子遇我如讎。我視子如仇。居常不樂。

兩者俱憂。何其鄙哉。子欲爲仁賢也。則當如皋陶。后稷。巫咸。伊陟。保乂王家。永見封殖。子欲爲名高也。則當如許由。子臧。卞隨。務光。洗耳逃祿。千歲流芳。子欲爲遊說也。則當如陳軫。蒯通。陸生。鄧公。轉禍爲福。令辭從容。子欲爲進趣也。則當如賈生之求試。終軍之請使。砥礪鋒穎。曰。幹王事。子欲爲恬淡也。則當如老聃之守一。莊周之自逸。廓然離俗。志凌雲日。子欲爲隱遁也。則當如榮期之帶索。漁父之澣澣。棲遲神丘。垂餌巨壑。此一介之所已顯。身成名者也。今子上不希道德。中不效儒墨。塊然窮賤。守此愚惑。察子之情。觀子之志。退不能爲處士。進無望于三事。而徒翫日勞形。習爲常人之所喜。不亦過乎。于是子羽愀然深念。而對曰。凡所敷教。謹聞命矣。曰。受性拘係。不開禮義。設曰天幸。爲子所寄。今欲使吾爲忠也。卽當如伍胥。屈平。欲使吾爲信也。則當殺身。曰成名。欲使吾爲介節邪。則當赴水火。曰全貞。此四者。子之所忌。故吾不敢造意。頭

曰子所謂天刑地網剛德之尤不登山抱木則褰裳赴流吾欲告爾以養性誨爾以優游而與蟣蝨同情不聽我謀悲哉俱寓人體而獨爲子頭且擬入其倫喻子儕偶子不如太原溫頤潁川荀寓范陽張華上郡劉訔南陽鄒湛河南鄭詡此數子者或嘗吃無當商或佺陬希言語或淹伊多姿態或驪蹏少智諳或口如含膠餽或頭如巾齋栴而猶文采可觀意思詳序攀龍附鳳竝登天府夫舐痔得車沈淵得珠豈若夫子徒合唇舌腐爛手足沾濡哉居有事之世而恥爲權謀譬猶鑿池抱甕難曰求富嗟乎子羽何異牢檻之熊深穿之虎石間飢蟬竇中之鼠事力雖勤見功甚苦宜其拳局煎蹙至老無所希也支離其形猶能不困非命也夫豈與夫子同處也

世說排調篇注引敏集又見藝文類聚十七

李毅

毅字允剛廣漢郫人太守王濬召爲主簿濬爲益州刺史進別

駕舉秀才隨府爲龍驤參軍從平吳封關內侯除隴西護軍徙

繁令遷雲南太守徙樅爲太守使持節南夷校尉尋置益州進

刺史加龍驤將軍封成都縣侯卒贈少府諡曰威

案李重傳別有李毅字茂彥太康中爲尚書吏部郎同時同姓名非仰此

病篤上疏陳謝

臣不能式遏寇虐疾與事遇使虜游魂兵穀旣單器械窮盡而求

救無望坐待殄斃若必不垂矜憂乞請大使及臣尙存加臣重罪

若臣已死陳屍爲戮

華陽國志二

劉卞

卞字叔龍東平須昌人爲尙書令史泰康初遷齊王攸司空主

簿轉太常丞司徒左西曹掾尙書郎元康中累遷散騎常侍除

并州刺史人爲太子左衛率曰忤賈后遷輕車將軍雍州刺史

懼誅飲藥死

王慈子昌前母服議

慈在南爲邦族于北爲羈旅。以此名分言之。前妻爲元妃。後妻爲繼室。何至王路旣通。更當逐其今妻。廢其嫡子。不書姜氏。絕不爲親。曰其犯至惡也。趙姬雖貴。必推叔隗。原同雖寵。必嫡宣孟。若違禮苟讓。何則春秋所當善也。論者謂地絕其情終已。不得往來。今地旣通。何爲故當追而絕之邪。黃昌見美斯。又近世之明比。晉書禮志

溫羨

羨字長卿。太原祁人。齊王攸辟爲掾。遷尙書郎。惠帝卽位。拜豫州刺史。入爲散騎常侍。累遷尙書。轉吏部尙書。封大陵縣公。出爲冀州刺史。加後將軍。尋避位。徵爲中書監。加散騎常侍。未拜。懷帝卽位。遷左光祿大夫。開府。領司徒。卒。贈司徒。諡曰元。

駁論張華

自天子已下爭臣各有差不得歸罪于一人也故晏子曰爲己死
亡非其親昵誰能任之里克之殺二庶陳乞之立陽生漢朝之誅
諸呂皆積年之後乃得立事未有事主見存而得行其志于數月
之內者也式乾之會張華獨諫上宰不和不能承風贊善望其指
麾從命不亦難乎況今皇后譖害其子內難不預禮非所任且后
體齊于帝尊同皇極罪在枉子事不爲逆義非所討今日華不能
廢枉子之后與趙盾不討殺君之賊同而追責之子義不經通也
晉書溫彥傳先是張華被誅齊王閼輔政
建議欲復其官爾論者或曰爲非義駿之

溫嶠

嶠字太真漢弟嶠之子初爲司隸都官從事後舉秀才司徒辟
東閣祭酒補上黨潞令劉琨請爲平北參軍隨府遷大將軍從
事中心上黨太守加建威將軍督護前錄軍事又隨府遷司空
右司馬進左長史元帝卽位除散騎侍郎歷王導驃騎長史遷

太子中庶子明帝卽位拜侍中轉中書令王敦請爲左司馬入
補丹陽尹加中壘將軍持節都督安東北部諸軍事敦平封建
監縣公進號前將軍成帝卽位代應詹爲江州刺史持節都督
平南將軍領武昌蘇峻平拜驃騎將軍開府儀同三司加散騎
常侍封始安郡公卒贈侍中大將軍諡曰忠武有集十卷

蟬賦

飢喻晨風渴飲朝露

藝文類聚九十
七初學記三十

理劉司空表

琨忠誠雖勳業不遂然家破身亡宜在褒崇目慰海內之望

晉書
溫嶠

傳

請召劉羣等表

羣字公度
劉琨子

姨弟劉羣內弟崔悅盧諶等皆在末波中翹首南望愚謂此等並
有文思

魏志盧敏傳注引晉諸
公贊作清出有文思

于人之中少可愍惜如蒙錄召繼

絕興亡則陛下更生之恩望古無二

晉書劉琨傳

舉荀崧爲祕書監表

夫國史之興將以明得失之迹謂之實錄使一代之典煥然可觀今之祕書著作是也散騎常侍崧文質彬彬思義通博歷位先朝莅事日穆宜掌祕奧宣明史籍

通典二十六御覽二百三十三

上太子疏諫起西池樓觀

朝廷草創巨寇未滅宜應儉已率下務農重兵

晉書溫嶠傳

上疏辭中書令

臣才短學淺文疏不通中書之職酬對無方斟酌輕重豈惟文疏而已自非望士良才何可妄居斯任

初學記十一御覽二百二十一並引檀道鸞晉陽秋

請原王敦佐吏疏

王敦剛愎不仁忍行殺戮親任小人疏遠君子朝廷所不能抑骨肉所不能閒處其朝者恆懼危亡故人士結舌道路已目誠賢人

君子道窮數盡、遵養時晦之辰也。且敦爲大逆之日、拘錄人士、自
免無路、原其私心、豈遐晏處、如陸玩羊曼、割角蔡謨、郭璞、常與臣
言、備知之矣。必其凶悖、自可罪人斯得。如其枉入姦黨、宜施之已
寬。加呂玩等之誠、聞于聖聽、當受同賊之責。實負其心。陛下仁聖
含弘、思求允中。臣階緣博納、干非其事。誠在愛才、不忘忠益。晉書溫

傳

陳便宜疏

豫章十郡之要、宜呂刺史居之。尋陽濱江、都督應鎮其地。今呂州
帑府進退不便。且古鎮將多不領州。皆呂文武形勢不同故也。宜
選單車刺史、別撫豫章。專理黎庶。晉書溫

傳

上言桓彝可宣城內史

宣城阻滯山川、頗經變亂。宜得望實居之。竊謂桓彝可充其選。晉書

桓彝傳

奏軍國要務七事

其一曰、祖約退舍壽陽、有將來之難、今二方守禦爲功、尙易、淮泗都督宜竭力已資之、選名重之士、配征兵五千人、又擇一偏將、將二千兵、已益壽陽、可已保固、徐豫援助、司土

其二曰、一夫不耕、必有受其飢者、今不耕之夫、動有萬計、春廢勸課之制、冬峻出租之令、下未見施、惟賦是聞、賦不可已、已當思令百姓有已殷實、司徒置田曹、掾州一人、勸課農桑、察吏能否、今宜依舊置之、必得清恪奉公、足已宣示惠化者、則所益實弘矣

其三曰、諸外州郡將兵者、及都督府、非臨敵之軍、且田且守、又先朝使五校出田、今四軍五校有兵者、及護軍所統外軍、可分遣二軍、出并屯要處、緣江上下、皆有良田、開荒須一年之後、卽易、且軍人累重者、在外有樵採蔬食之人、于事爲便

其四曰、建官已理世、不己私人也、如此、則官寡而材穡、周制六卿

位事春秋之時。人爲卿輔。出將三軍。後代建官漸多。誠由事有煩簡耳。然今江南六州之土。尙又荒殘。方之平日。數十分之一耳。三省軍校無兵者。九府寺署可有并相領者。可有省半者。粗計閑劇隨事減之。荒殘之縣。或同在一城。可并合之。如此。選旣可精。祿俸可優。令足代耕。然後可責己清公耳。

其五曰。古者親耕藉田。已供粢盛。舊置藉田廩犧之官。今臨時市求。旣上黷至敬。下費生靈。非所已虔奉宗廟。蒸嘗之旨。宜如舊制。立此二官。

其六曰。使命愈遠。益宜得才。宣揚王化。延譽四方。人情不樂。遂取卑品之人。虧辱國命。生長患害。故宜重其選。不可減二千石。見居二品者。

其七曰。罪不相及。古之制也。近者大逆。誠由凶戾。凶戾之甚。一時權用。今遂施行。非聖朝之令典。宜如先朝除三族之制。晉書溫傳

兄弟相繼藏主室議

凡言兄弟不相入廟既非禮文且光武奮劒振起不策名于孝平

務宋志作豫神其事呂應九世之讖又古不共廟故別立焉今上呂策

名而言殊于光武之事躬奉烝嘗于繼既正于情又安矣太常恆

欲還二府君呂全七世嶠謂是宜晉書禮志上宋書禮志三大

惠懷愍于聖上呂春秋而言因定先後之禮夫臣子一例君父敬

同故可呂準于祖祧然非繼體之數也案太常恆所上欲還章郡

顯川呂全七代愚謂是恆又求京兆呂上三代在廟之西廡臣竊

不安通典四十八縣

其非子者可直言皇帝敢告某皇帝又若呂一帝爲一世則不祭

祧反不及庶人宋書禮志三

毀廟議

今兄弟同代已有七帝若呂一帝爲一代則當不得祭于祧乃不

及庶人之祭也。夫兄弟同代于恩，既順于義，無否。至于廟室已滿，大行皇帝神主當登正室，又不宜下正室之主，遷之祧位，自宜增廟。權于廟上設幄坐，曰安大行之主。若曰今增廟，違簡約之旨，或可就見廟直增坎室乎？此當問廟室之寬窄，其廟室寬窄，亦所未詳。通典四十八明帝崩，祠部曰：廟過七室，欲毀一廟，又正室窄狹，欲權下一帝。溫嶠議：禁給溼米敕。

稟者無米，受得編下溼米，豈是吾遇兵眾無異之懷乎？雖是數合米，欲令齊均，若有不如教鞭五十。御覽七百七十

諫太子馬射。案太子答云：省所陳，知非口諫。

臣聞千金之子，猶不垂堂；曰萬乘之貳，若有駭駟之艱，豈可不熟念？殿下縱一日之娛，忘萬代之基。凡人猶知其不可，況在聖明？文苑英華六百二十七薛元超諫皇太子廢日晉明帝之在東宮中，庶子溫嶠中舍人劉放諫馬射云云。劉放疑既放之誤，與陶侃箋。

務氣過差則君道幽晦御覽十五

爲王導荅華太常書華恆

省示并博士議今明尊尊不復得繫本親矣先帝平康北面而臣
愍帝及終而升上擢所目取議于春秋今所論太廟坎室足容神主
不耳而下愍帝于東序若案尊尊之言愍帝猶子之列不可爲父
與兄弟之不可一耳案閔公僖公之弟也而傳云子雖齊聖不先
父食如此無疑愍帝不宜先帝上也今唯慮廟窄更思安處宜令
得並列正室通典四十八

荅王導書

近詔曰先帝前議所定唯下太常安坎室數今坎室窄其意不過
欲定先神主存正室故下愍帝也廟窄之與本體各是一事何已
廟窄而廢本體也通典四十八元帝崩溫嶠荅王導書云云

與陶侃書

奉恩赤角一具及鞞鼓馬鞭鼓角既周軍用馬鞭服呂周旋抗之
于手與之偕老也假武之日乃當藏之篋笥耳

御覽三百五十九

重與陶侃書

僕謂軍有進而無退宜增而不可減近已移檄遠近言于盟府玆
後月半大舉南康建安晉安三郡軍竝在路次同赴此會惟須仁
公所統至使齊進耳仁公今召軍還疑惑遠近成敗之由將在于
此僕才輕任重實憑仁公篤愛遠稟成規至于首啟戎行不敢有
辭僕與仁公當如常山之蛇首尾相衛又唇齒之喻也恐惑者不
達高旨將謂仁公緩于討賊此聲難追僕與仁公竝受方嶽之任
安危休戚理既同之且自頃之顧綢繆往來情深義重著于人士
之口一旦有急亦望仁公悉眾見救況社稷之難惟僕偏當一州
州之文武莫不翹企假令此州不守約峻樹置官長于此荆楚西
逼強胡東接逆賊因之目饑饉將來之危乃當甚于此州之今日

也。曰大義言之，則社稷顛覆，主辱臣死，公進當爲大晉之忠臣。參桓文之義，開國成家，銘之天府，退當曰慈父雪愛子之痛，約峻凶逆無道，囚制人士，裸其五刑，近日來者不可忍見，骨肉生離，痛感天地，人心齊一，咸皆切齒。今之進討，若曰石投卵耳。今出軍旣緩，復召兵還，人心乖離，是爲敗于幾成也。願深察所陳，曰副三軍之望。晉書溫
嶠傳

蘇峻遂得志，四海雖廣，公寧有容足地乎？賢子越騎酷沒，天下爲公痛心，況慈父之情哉？後魏書晉司馬衍傳
案此卽前篇約文

移告四方征鎮

賊臣祖約、蘇峻同惡相濟，用生邪心，天奪其魄，死期將至，謹負天地，自絕人倫，寇不可縱，宜增軍討撲，輒屯次湓口，卽日護軍庾亮至，宣太后詔，寇逼宮城，王旅撓敗，出告藩臣，謀寧社稷，後將軍郭默、冠軍將軍趙盾、奮武將軍龔保與嶠督護王愷期，西陽太守鄒

獄鄱陽內史紀瞻率其所領相尋而至逆賊肆凶陵蹈宗廟火延
宮掖矢流太極二御幽逼宰相困迫殘虐朝士劫辱子女承問悲
惶精魂飛散嶠闇弱不武不能殉難哀恨自咎五情摧阻慙負先
帝託寄之重義在畢力死而後已今躬率所統爲士卒先催進諸
軍一時電擊西陽太守鄧嶽尋陽太守褚誕等連旗相繼宣城內
史桓彝已勒所屬屯濱江之要江夏相周撫乃心求征軍已向路
昔包胥楚國之微臣重趼致誠義感諸侯藺相如趙邦之陪隸恥
君之辱案劔秦庭皇漢之季董卓作亂劫遷獻帝虐害忠良關東
州郡相率同盟廣陵功曹臧洪郡之小吏耳登壇歃血涕淚橫流
慷慨之節實厲羣后況今居台鼎據方州列名邦受國恩者哉不
期而會不謀而同不亦宜乎二賊合眾不盈五千且外畏胡寇城
內飢乏後將軍郭默卽于戰陣俘殺賊千人賊今雖殘破都邑其
宿衛兵人卽時出散不爲賊用且祖約情性褊陋忌尅不仁蘇峻

小子惟利是視殘酷驕橫權相假合江表興義目抗其前強胡外
寇目躡其後運漕隔絕資食空懸內之外孤勢何得久羣公征鎮
職在禦侮征西陶公國之耆德忠肅義正勳庸弘著諸方鎮州郡
咸齊斷金同稟規略目雪國恥苟利社稷死生目之嶠雖怯劣忝
據一方賴忠賢之規文武之助君子竭誠小人盡力高操之士被
褐而從戎負薪之徒匍匐而赴命率其私僕致其私杖人士之誠
竹帛不能載也豈嶠無德而致之哉士稟義風人感皇澤且護軍
庾公帝之元舅德望隆重率郭後軍趙襲三將與嶠戮力得有資
憑且悲且慶若朝廷之不泯也其各明率所統無後事機賞募之
信明如日月有能斬約峻者封五等侯賞布萬匹夫忠爲令德爲
仁由己萬里一契義不在言也

晉書溫嶠傳

釋奠頌

敷論義典綜析毫芒賦納目言麗辭孔彰管簫備舉和樂載揚

初學

侍臣箴

勿謂其微，覆篑成高。勿謂其細，巨由纖毫。故曰：善不積，不足；己成名，話言如絲，而萬里來享，無日處極而利在永貞。是曰：太子之在東宮，均士抗禮，曰卑厥情。入學齋，齒言稱先生，不曰賢自臧，不曰貴爲榮。思有虞之蒸蒸，尊周文之翼翼。晨昏靡違，夙興晏息。師傅是瞻，正人在側。屏彼佞諛，納此亮直。故傳敬德義，臣思盡忠，或稽古訓導，惟道之不融。或造膝詭辭，懼咎之蘊崇。惴惴兢兢，思二雅之遺風。鑒乎九三天祿永終，近臣司規，敢告常從。

裁文類聚十六

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷八十一

烏程嚴可均校輯

陸喜

喜字恭仲，一作文仲，吳郡吳人。吳選曹尚書瑁第二子。孫皓時，累遷至選曹尚書，人皆爲散騎常侍。

自敘

劉向省新語而作新序，桓譚詠新序而作新論，余不自量，感子雲之法言而作言道，觀賈子之美才而作訪論，觀子政洪範而作古今，麻覽將子通萬機而作審機，讀幽通思立四愁而作娛賓九思，眞所謂忍愧者也。

晉書陸喜傳

西州清論較論格品篇

或問子辭瑩最是國士之第一者乎？答曰：已理推之，在乎四五之間，問者愕然請問，答曰：夫孫皓無道，肆其暴虐，若龍蛇其身，沈默

其體潛而勿用趣不可測此第一人也避尊居卑祿代耕養立靜
守約冲退澹然此第二人也侃然體國思治心不辭貴已方見憚
執政不懼此第三人也斟酌時宜在亂猶顯意不忘忠時獻微益
此第四人也溫恭脩慎不爲諂首無所云補從容保寵此第五人
也過此已往不足復數故第二已上多淪沒而遠悔吝第三已下
有聲位而近咎累是已深識君子晦其明而履柔順也問者曰始
聞高論終年啟寤矣

晉書陸
喜傳

陸玩

玩字士瑤喜弟英之第二子元帝鎮江左引爲丞相參軍累加
奮武將軍後爲王敦長史敦平拜侍中遷吏部尙書轉尙書左
僕射領本州大中正咸和中封興平伯轉尙書令左光祿大夫
開府儀同三司加散騎常侍遷侍中司空卒贈太尉諡曰康
上表自陳

臣實凡短風燥不止階緣嘉會便蕃榮顯遂總括憲臺像聞政道
竟不能敷融玄風清一朝序咎責之來于臣已重誠已身許國義
忘曲讓而懷懷所守終于陳訴首特已端右機要事務殷多臣已
盈六十之年智力有限疾患深重體氣日弊朝夕自勵非復所堪
若偃息苟免職事竝廢則莫大之悔天下將謂臣何乞陛下披豁
聖懷霽然垂允

晉書陸玩傳

重表

臣比披誠款不足上暘天聰聖恩徘徊厲已體國臣聞至公之道
上下互同用才不負其長量力不受其短雖加官重祿無世不有
皆庸勳親賢時所須賴兼統已濟世務非優崇已榮一人臣受遇
三世恩隆寵厚豈敢辭職事之勞求津讓之譽徒已端右要重興
替所存久已無任妨賢嚙職臣猶自知不可況天下之人乎今復
外參論道內統百揆不堪之名有如皎日願陛下少垂哀矜使四

海知官不可已私于人人不可已私取官則天工弘坦誰不謂允

晉書陸

玩傳

疾甚上表

臣嬰遘疾疾沈頓歷月不蒙痊損而日夕漸篤自省微賤無復生望荷恩不報孤負已及仰瞻天覆伏枕竄涕臣年向中壽窮極寵榮終身歸全將復何恨惟願陛下崇明聖德弘敷宏化會構祖宗之基道濟羣生之命臣不勝臨命遺戀之情貪及視息上表已聞

晉書陸

玩傳

與王導牋

僕雖吳人幾爲傖鬼

晉書陸玩傳玩嘗詣導食酪因而得疾與導牋

辭瑩

瑩字道言沛郡竹邑人吳太子少傅綜次子歷祕書中書郎孫休時進散騎中常侍孫皓初爲左執法遷選曹尚書領少傅出

爲武昌左部督、坐事徙廣州、尋召還、復爲選曹尚書、遷光祿勳、入晉、爲散騎常侍、有後漢紀一百卷、新議八篇、集三卷、

爲吳主皓請降書

吳郡孫皓叩頭死罪、昔漢室失統、九州分裂、先人因時、略有江南、遂分阻山川、與魏乖隔、今大晉龍興、德覆四海、聞劣偷安、未喻天命、至于今者、猥煩六軍、衡蓋路次、遠臨江渚、舉國震惶、假息漏刻、敢緣天朝、含弘光大、謹遣私署太常張夔等奉所佩印綬、委質請命、惟垂信納、呂濟元、元、吳志、孫皓傳、晉書、王濬傳、案薛瑩傳云、皓奉書于司馬、仙王、暉王、濬、請降、其文、瑩所造也、

後漢紀光武贊

王莽之際、天下雲亂、英雄并發、其跨州據郡、僭制者多矣、人皆冀于非望、然攷其聰明仁勇、自無光武儔也、宏寬博納、計慮如神、是已任光寶、融望風景附、馬援一見、皓顏識奇、故能已十數年間、

除羣凶清復海內豈非天之所輔贊哉古者師不內御而光武命將皆授以方略使奉圖而進其違失無不折傷意豈文史之過乎不然雖聖人其猶病諸御覽九十一

明帝贊

明帝自在儲宮而聰允之德著矣及臨萬幾約身率禮恭奉遺業一己貫之雖夏啟周成繼體持統無已加焉是已四海乂安四夷賓服斷獄希少有治平之風號曰顯宗不亦宜乎御覽九十一

章帝贊

章帝已繼世承平天下無事敬奉神明友于兄弟悉省徭賦綏靜兆民除苛法蠲禁錮抑有仁賢之風矣是已陰陽洽和而百姓安樂眾瑞并集不可勝載攷之圖籍有徵云爾御覽九十一

安帝贊

安帝之初委政太后十有餘年及親萬幾佞邪始進閤宜用事寵

加私愛阿母王聖勢傾朝廷遂樹奸黨搖動諸副山陵未訖蕭牆
作難兵交禁省社稷殆危

御覽九十一

桓帝贊

漢德之衰有自來矣而桓帝繼之曰淫暴封殖宦豎羣妖滿側奸
黨彌興賢良被辜政荒民散亡徵漸積逮至靈帝遂傾四海豈不
痛哉

御覽九十二

靈帝贊

漢氏中興至于延平而世業損矣冲質短祚孝桓無嗣母后稱制
奸臣執政孝靈曰支庶而登至尊由蕃侯而紹皇統不恤宗緒不
祇天命上虧三光之明下傷億兆之望于時爵服橫流官曰賄成
自公侯卿士降于卑隸遷官襲級無不曰貨刑戮無辜摧扑忠良
佞諛在側直言不聞是曰賢智退而窮處忠良擯于下位遂至奸
雄蠭起法防隳壞夷狄并侵盜賊麋沸小者帶城邑大者連州郡

編戶騷動人人思亂當此之時已無天子矣會靈帝卽世盜賊相尋其後宮室焚滅郊社無主危自上起覃及華夏使京室爲墟海

內蕭條豈不痛哉

御覽九十二

脩列吳事

胡冲意性調美心趣解暢有刀筆閑于時事爲中書令雖不能匡

矯亦自守不苟求容媚

初學記十一

盛彥

彥字翁子廣陵人仕吳爲中書侍郎入晉爲長沙相本邑小中

正太康中卒有集五卷

擊壤賦

論眾戲之爲樂獨擊壤之可娛因風託勢罪一殺口

御覽七百五十五

藏驅賦

序

余自臘之後因祭祀餘胙要命中外日行藏驅爲戲心悅其事故

賦之云

御覽三十三又七百五十四

通桑梓敬議

竊見今編戶之人本或僑寓則不爲所居之國脩拜揖之敬先人
舊壤追爲盡禮愚懷淺短良有疑焉夫人道繁衍宗流遐大根生
一胃枝播萬緒故繁曠之枝異統則聖人檢之曰禮憲萬條之流
難紀故王者制之曰境域是曰古人當其理也則君有常邑仕有
定邦爰及六國至于末代全固之業傾瓜分之務起農夫不得安
其耕爵士不得食其祿孔子稱危邦不入亂邦不居是爲離舊適
新之制肯否向泰之文于斯尙矣蓋離舊曰其無道適新曰其宜
宗肯否曰其多難向泰曰其可安可安則播殖于其野宜宗則振
纓于其朝在家則人理足在官則臣道備人臣之義同而彼此之
敬異余竊惑之昔孔子宋人也上自孔父逮于弗父何竝服事宋
仕有代祿至于仲尼道崇闕里乃爲魯人矣而春秋之作內魯外

宋諱我過彰彼非已此微之斷可識矣而觀今日僑居之族其先人始祖不出是國枝葉播越居之數代公實編戶而私則寓客營家則號爲借壤進官則名曰寄通高容雅步不爲有降一身居之尚在難安或父兄相承尊長遵襲近經數代遠或累朝學道講義習人之禮鄉舉里選假人之評居人之境已繁我條乘人之貨已濟我生由人之位已光我屬恃人之寵已輝我葉朝廷則祖考之所階山陵則神靈之所憑昔人思邵伯之愛尙敬甘棠之木況父母之所始卒而不知加尊推之于心豈道訓之謂哉又今人所追尊舊壤雖遠而爲之敬者何也猶已为先業墳柏之故塋曩代桑梓之舊業耳蓋宗廟迭毀禮有降殺尊親之至父祖而已自此已上情輕服簡故大夫及士祭極三代明恩由近始禮已遠降也今遠禰之隰館何若近祖之先廬迭毀之墳柏何若祭祀之封塋曩代之官府何若父母之朝廷先業之園苑何若今日之巨園雖古

人有維桑與梓必恭敬止之文所謂桑梓宜曰父祖爲斷舊壤不復相由人無二主官無兩統愚謂宜爲所寓之主曰崇公敬爲先人本邦脩私敬而已散手而跪捧袖而揖曰示存舊過厚之意也
通典六十八

與劉頌書

沙餉垂口之產御覽八百五十七

石蜜遠國之貢味有可甘至尊曰養性書鈔一百四十七引盛公子與劉岑書又一條作盛

周處

處字子隱義興陽羨人吳鄱陽太守鮪子仕吳爲東觀左丞孫皓末兼太常無難督入晉爲新平太守轉廣漢曰母老罷歸尋除楚內史遷御史中丞元康七年曰建威將軍討氏羌齊萬年戰死追贈平西將軍元帝爲晉王策諡曰孝有默語三十篇風

土記三卷

奏殺李忽

覺父呂偷生破家已邀福子圉告歸懷羸結舌忽無人子之道證父攘羊傷化汙俗宜在投畀已彰凶逆畢刑市朝不足塞責御覽四百十七引王隱晉書處為中書省事時女

蔡珪

珪汝南人為吳將入晉遷侍中

與弟敏書

占者兵交使在其間軍國固當舉信義已相高而聞疆場之上往往有襲奪互市甚不可行弟慎無為小利而忘大備也晉書周浚傳浚在弋

陽南北為互市而諸將多相襲奪已為功吳將

蔡洪

洪字叔開吳郡人仕吳入晉為州從事太康中舉秀才元康初

爲松滋令有化清經十卷集二卷

圍棋賦

命班爾之妙手，制朝陽之柔木。取坤象于四方，位將軍乎五岳。然後盡路表界，玄質朱文。曲直有正，方而不圓。算塗授卒，三百惟羣。任巧于無主，譬採菽乎中原。于是攄妙思，奮玄籌。玩服色，尙驛駒。旅進旅退，二騎迭驅。翻翻馬合，落落星敷。各嘯歌，已發憤。運變化，已相符。乍侶戲鶴之千覓，入類狡兔之繞丘。散象乘虛之飛電，聚類絕貫之積珠。然後枕目大羅，繕已城郭。綴已懸險，經已絕落。眇望翼舒，翺翔容弈。彎掌南指，情實西射。揚塵奄迹，雖動詳悉。或臨局寂然，惟棋是陳。靜昧無聲，潛來若神。抑舒之役，成子之賢也。或聲手俱發，誼謹操掇。色類不定，次措無已。再衰三竭，銳氣已朽。登軾望轍，其亂可取也。爾乃心闕犇競，勢使揮謙。攜手詆欺，朱顏妬嫌。然局不弘席，子不盈捲。秉二儀之樞要，握眾巧之至權。若八卦

之初兆。遂消息乎天文。屈則尺蠖。舒則龍翻。崔嵬雲起。龍從浪傳。崑崙山結。杳如霧分。靜若清夜之列宿。動若流彗之互奔。殿未結而算了。隸首不得窺其門。局覆亂而不惑。所桑不足識其源。或設死而稱枉。皋陶不能治其怨。或巧逸。曰樂胥。后夔不足。曰之讚。我云勢貌多。曰孰能究傳。遠來近取。予一。曰貫。藝文類聚七十四

關雎賦

嘉乾黃之散授。何氣化之有靈。產羽蟲之麗。惟關雎之最精。稟離午之淑氣。體鸞鳳之妙形。服文藻之華羽。備豔采之翠英。冠綠葩。曰曜首綴素色。曰點纓。性浮捷。曰輕躁。聲清響而好鳴。感秋商之肅烈。從金氣。曰出征。招爽敵于戲門。交武勢于川庭。爾乃振勁羽。竦六翩。抗嚴趾。望雄敵。忽雷起而電發。赴洪波。曰奮擊。藝文類聚九十九

一御覽九百十九

與刺史周俊書

一日侍坐言及吳士詢于芻蕘遂見下問造次承顏載辭不舉敕令條列名狀退輒思之今稱疏所知吳展字士季下邳人忠足矯非清足厲俗信可結神才堪幹世仕吳爲廣州刺史吳郡太守吳平還下邳閉門自守不交賓客誠聖王之老成明時之偶又也朱誕字永長吳郡人體履清和黃中通理吳朝舉賢良累遷議郎今歸在家誠理物之至德清選之高望也嚴隱字仲蠟吳郡人稟氣清純思度淵偉吳朝舉賢良宛陵令吳平去職九皋之鳴鶴空谷之白駒也張暘字威伯吳郡人稟性堅明志行清朗居磨涅之中無淄磷之損歲寒之松柏幽夜之逸光也

世說賞譽篇注引洪集

孤奮論

見晉書文苑王沈傳亡

殷興

興一作基雲陽人吳零陵太守殷禮子仕吳爲無難督入晉遷尚書左丞有春秋釋滯十卷通語十卷

通語

異宮同爵，共位別職。興仁隆化，幽贊神明者，謂之太尉。和五教，理人倫，使風行俗平，萬國咸寧者，謂之司徒。使國無枉理，法錯刑清，事均民聚者，謂之司空。若仁義之路開，和平之氣通，則五星順行，庶績成熙。

御覽二百六引古今通語

殷旦

巨字元大，興子。仕吳爲偏將軍，統家部曲城夏口。入晉，歷蒼梧、交阯二郡太守，有集二卷。

鯨魚燈賦

橫海之魚，厥號爲鯨。普彼鱗族，莫之與京。大秦美焉，乃觀乃詳。寫載其形，託于金燈。隆脊矜尾，鬚甲舒張。垂首俛視，蟠于華房。狀欣欣已竦峙，若將飛而未翔。懷蘭膏于胸臆，明制節之謹度。伊工巧之奇密，莫尙美于斯器。因綺麗已致用，設機變而罔墮。匪雕文之

足瑋差利事之爲貴永作式于將來跨千載而弗墜

藝文類聚八十

奇布賦

維泰康二年安南將軍廣州牧滕侯作鎮南方余時承乏忝倚下僚俄而大秦國奉獻琛來經于州眾寶既麗火布尤奇乃作賦曰伊荒服之外國建大秦曰爲名仰皇風而悅化超重譯而來庭貢方物之綺麗亦受氣于妙靈美斯布之出類稟太陽之純精越常品乎意外獨詭異而特生森森豐林在海之洲煌煌烈火禁焉靡休天性固然滋殖是由芽萌炭中穎發燼隅葉因爛潔翹與炎敷焱榮華實焚灼萼珠丹輝電近彤炯星流飛耀衝霄光赫天區惟造化之所陶理萬端而難察燎無爍而不焦在茲林而獨昵火焚木而弗枯木吐火而無竭同五行而竝在與大椿其相率乃採乃枅是紡是績每曰爲布不盈數尺曰爲布帔服之無斃既垢既汙曰焚爲濯投之朱鑪載燃載赫停而冷之皎潔凝白

藝文類聚八十五

殷佑

佑字慶元興少子永嘉初爲宣城太守後遷吳郡內史

上牋請優贈顧榮

昔賊臣陳敏憑寵藉權滔天作亂兄弟姻婭盤固州郡威逼士庶
目爲臣僕于時賢愚計無所出故散騎常侍安東軍司嘉興伯顧
榮經德體道謀猷弘遠忠貞之節在困彌厲崎嶇艱險之中逼迫
姦逆之下每惟社稷發憤忼慨密結心腹同謀致討信著羣士名
冠東夏德聲所振莫不響應荷戈駿奔其會如林榮躬當矢石爲
眾率先忠義奮發忘家爲國歷年通寇一朝土崩兵不血刃蕩平
六州勳茂上代義彰天下伏聞論功依故大司馬齊王格不在帷
幕密謀參議之例下附州征野戰之比不得進爵拓土賜拜子弟
遐邇同歎江表失望齊王親則近屬位爲方嶽杖節握兵都督近
畿外有五國之援內有宗室之助稱兵彌時役連天下元功雖建

所喪亦多。榮眾無一旅。任非藩翰。孤絕江外。王命不通。臨危獨斷。目身殉國。官無一金之費。人無終朝之勞。元惡既殄。高尚成功。封閉倉廩。目俟大軍。故國安物阜。目義成俗。今日匡霸事舉。未必不由此而隆也。方之于齊。強弱不同。優劣亦異。至于齊府參佐。扶義助彊。非創謀之主。皆錫珪受瑞。或公或侯。榮首建密謀。爲方面盟主。功高元帥。賞卑下佐。上虧經國紀功之班。下孤忠義授命之士。夫考績幽明。王敖所崇。況若榮者。濟難寧國。應天先事。歷觀古今。未有立功若彼。酬報如此者也。

晉書顧榮傳

陶璜

璜字世英。丹陽秣陵人。孫皓時。爲蒼梧太守。拜交州刺史。進使持節。都督交州諸軍事。交州牧入晉。封宛陵侯。改爲冠軍將軍。上言州兵不宜減。

交土荒裔。斗絕一方。或重譯而言。連帶山海。又南郡去州海行千

有餘里外距林邑纔七百里夷帥范熊世爲逋寇自稱爲王數攻百姓且連接扶南種類猥多朋黨相倚負險不賓往隸吳時數作寇逆攻破郡縣殺害吏民臣曰庭驚昔爲故國所采偏戍在南十有餘年雖前後征討翦其魁桀深山僻穴尙有逋竄又臣所統之卒本七千餘人南土溫溼多有氣毒加累年征討死亡減耗其見在者二千四百二十人今四海混同無思不服當卷甲消刃禮樂是務而此州之人識義者寡厭其安樂好爲禍亂又廣州南岸周旋六千餘里不賓屬者乃五萬餘戶及桂林不羈之輩復當萬戶至于服從官役纔五千餘家二州唇齒唯兵是鎮又寧州興古接據上流去交阯郡千六百里水陸竝通互相維衛州兵未宜約損以示單虛夫風塵之變出于非常臣亡國之餘議不足采聖恩廣厚猥垂飾擢蠲其罪愆改授方任去辱卽寵拭目更視誓念投命自報所受臨履所見謹冒瞽陳

晉書陶璜傳吳既平
滅州郡兵璜上言

上言寬合浦珠禁

合浦郡土地磽确無有田農百姓唯已采珠爲業商賈去來已珠
質米而吳時珠禁甚嚴慮百姓私散好珠禁絕來去人已飢困又
所調猥多限每不充今請上珠三分輸二次者輸一廢者蠲除自
十月訖二月非采上珠之時聽商旅往來如舊

晉書陶
瑱傳

陶回

回瑱弟抗之子辟司空府中軍主簿不就大將軍王敦召爲參
軍轉州別駕司徒王導引爲從事中郎遷司馬封康樂伯後擢
補北軍中候轉中護軍遷征虜將軍吳興太守徵拜領軍將軍
加散騎常侍咸和二年徙護軍將軍卒諡曰威

上疏請振荒

當今天下不替荒儉唯獨東土穀價偏貴便相鬻賣聲必遠流北
賊聞此將窺疆場如愚臣意不如開倉廩已賑之

晉書陶回傳回
遷吳興太守時

人饑穀貴三吳尤甚詔欲聽相竊賣呂拯
一時之急同上疏云云不待報輒便開倉

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷八十二

烏程嚴可均校輯

虞聳

聳字世龍。會稽餘姚人。吳騎都尉。虞翻第六子。仕吳。爲越騎校尉。累遷廷尉。出爲湘東太守。入晉。除河間相。

穹天論

天形穹隆。當如雞子。幕其際。周接四海之表。浮于元氣之上。譬如覆匳。日抑水而不沒者。氣充其中故也。日繞辰極。沒西而還東。不出入地中。天之有極。猶蓋之有斗也。天北下于地三十度。極之傾在地卯酉之北。亦三十度。人在卯酉之南十餘萬里。故斗極之下。不爲地中。當對天地卯酉之位耳。日行黃道。繞極。極北去黃道百一十五度。南去黃道六十七度。二至之所舍。日爲長短也。

宋書天文志一
隋書天文志上

與族子察書

世之取士，曾不招未齒于丘園，索良才于總猥，所譽依已成，所毀依已敗，此吾所已歎息也。吳志虞翻傳注引會稽典錄

虞曷

曷字子文，翻第八子，仕吳為黃門郎，超拜尚書侍中，持節都督武昌，已上諸軍事，入晉為濟陰太守。

穹天論

天形穹隆如笠，而冒地之表，浮元氣之上，譬覆篲，曰抽水而不沒者，氣充其中也。日遶辰極，沒西而還東，不入地中也。御覽二案虞洪疑誤，翻第四子，汜字世洪，無單名洪者也。此與虞聿論同，惟如笠二字被作如雞子，蓋為小異。

虞潭

潭一作譚，字思奧，聿第五兄忠之子，州辟從事主簿，舉秀才，大司馬齊王問請為祭酒，除祁鄉令，徙醴陵令，召功賜爵都亭侯。

領廬陵太守、轉南康太守、進爵東鄉侯、并領安成太守。元帝爲丞相、召補軍諮祭酒、轉琅邪國中尉、及爲晉王、除屯騎校尉、賤阼後、徙右衛將軍、遷宗正卿。己疾歸。明帝時、拜冠軍將軍、會稽內史、徵拜尙書、尋補右衛將軍、加散騎常侍。成帝時、出爲吳興太守、加輔國將軍、進爵零陵縣侯、轉鎮軍將軍、吳國內史、進爵武昌縣侯。咸康中、進衛將軍、己母憂去職。服闋、拜侍中、右光祿大夫。卒年七十九。贈左光祿大夫、諡曰孝烈。有大小博法一卷、投壺經四卷、投壺變一卷。

公除祭表

咸和七年

今之諸侯服其親、皆與士同、無復降殺。大宗之家、喪服累仍、若皆不祭、是先人之享、豈永爲有廢。臣謂三月之後、禮情漸殺、若非父母之喪、尙通内外服、踰月既葬、可祭宗廟。

通典五十二

父母乖離議

諸失父母者疑行服之制。曰禮除喪而歸未奔者無不除之制。若廢祭絕嗣皆不可行。宜詳條制。萬代可述。

通典九十八

悼楊皇后宜配食武帝議

咸康七年

世祖武皇帝光有四海。元皇后應乾作配。元后既崩。悼后繼作。至楊駿肆逆。禍延天母。孝懷皇帝追復號諡。豈不曰繇極禹興。義在不替者乎。又太寧二年。臣忝宗正。帝譜泯棄。罔所循案。時博諮舊齒。曰定昭穆。與故驃騎將軍華恆。尙書荀崧。侍中荀邃。因舊譜參論撰次。尊號之重。一無改替。今聖上孝思。祇肅禋祀。詢及羣司。將曰恢定大禮。臣輒思詳。伏見惠皇帝起居注。羣臣議奏。列駿作逆。謀危社稷。引魯之文姜。漢之呂后。臣竊曰。文姜雖莊公之母。實爲父讎。呂后寵樹私戚。幾危劉氏。案此二事。異于今日。昔漢章帝寶后。殺和帝之母。和帝卽位。盡誅諸竇。當時議者。欲貶寶后。及后之亡。欲不曰禮葬。和帝曰。奉事十年。義不可違。臣子之道。務從豐厚。

仁明之稱表于往代。又見故尙書僕射裴頴議悼后故事稱繼母雖出追服無改。是曰孝懷皇帝尊崇號諡還葬峻陵。此則母子道全而廢事蕩革也。于時祭于弘訓之宮未入太廟。蓋是事之未盡非義典也。若曰悼后復位爲宜則應配食世祖。若曰復之爲非則譜諡宜闕。未有位號居正而偏祠別室者也。若曰孝懷皇帝私隆母子之道特爲立廟者此苟崇私情有虧國典則國譜帝諱皆宜除棄。匪徒不得同祠于世祖之廟也。

晉書武悼
楊皇后傳

公除禘祭論

余身受公除歲終大禘至敬兼興如當遂闕心所不安故諮之有議難曰禮素衣蓍席不入廟門不曰于神明之位總喪旣輕脫服而祭況嗣子當承祚者乎。荅曰高宗三年諒闇今則不爾帝王旣葬編素躬親宗廟之獻不曰喪遂闕者蓋國之大事在祀與戎也。且吉祭廷有金石鏗鏘之和今去凶制而奉烝嘗于戚職而不振

全晉文卷八十二

虞喜 成書

三

愼終之情不遠隨時之義亦通也

通典五十二
譚又自爲論

虞喜

喜字仲靈，犇族孫。歷惠懷至成帝，屢徵皆不起。穆帝時，朝廷有大議，遣使諮訪有志林三十卷、廣林二十四卷、後林十卷。

吳綱二嫡妻議

法有大防，禮無二嫡。趙姬、呂君女之尊，降身翟媼，著在春秋。此吳氏後妻所宜軌則。通典六十八

荅訪四府君遷主

漢氏韋玄成等曰：毀主瘞于園。魏朝議者云：應埋兩階間。且神主本在太廟，若今別室而祭，則不如永藏。又四君無追號之禮，益明應毀而祭。通典四十八永和二年，有司奏征西章郡穎川京兆四君毀主藏處，尚書郎徐禪議云云。又遣禪至會稽訪處。

士虞喜

荅或問舊君服

或問曰。喪服經傳。爲舊君謂仕焉而已者。鄭注曰。仕焉而已。謂老若廢疾而致仕者也。今致仕與廢疾。理得同。不喜正之曰。廢疾沈淪。罔同人伍。不論臣道。齊衰三月可也。老而致仕。臣禮既全。恩既無替。自應三年。不得三月。傳言仕焉而已者。謂既仕而去。義同人伍耳。

通典九十

荅孔瑚問庶子爲人後其妻爲本舅姑服

孔瑚問。虞喜曰。愚謂庶子之妻。不得如禮服其私親者。目爲身爲宗主。奉脩祭祀。目別尊卑故也。凡婦服夫黨。皆降一等。唯公子厭至尊。故其妻從輕而服重。盡禮于皇姑。則人情所許。愚謂不得目公子爲例。喜荅曰。謂庶子爲人後。上繼祖祧。此則厭于承重。不得伸其私情。故爲所生止服緦麻。其婦當依公子之妻。盡禮皇姑。從輕服重。不繫于夫。

通典九十五

又荅孔瑚問玄孫之婦傳重

孔瑚問虞喜曰假使玄孫爲後玄孫之婦從服周曾孫之婦尙存
纔總麻近輕遠重情實有疑虞喜荅曰有嫡子者無嫡孫又若爲
宗子母服則不服宗子婦曰此推玄孫爲後若其母尙存玄孫之
婦猶爲庶不得傳重傳重之婦理當在姑矣通典九十六
雖賀循論父未殯而祖父死服

案賀循喪服記云父死未殯而祖父死服祖曰周既殯而祖父死
三年此謂嫡子爲父後者也父未殯服祖曰周者父屍尙在人子
之義未可曰代重也喜曰爲三禮無有此條殆是脫失祖父正統
非爲旁親若父死未殯服祖但周則祖無倚廬傳重在誰假使祖
爲國君已爲嫡孫祖歿已嗣此受封于祖祖之羣臣服祖三年而
已爲嫡孫則服一周齊縗送葬斬杖無主雖云屍在未忍如大父
何通典九十七

安天論

太史令陳季野曰先賢制木爲儀名曰渾天

二 制覽

言天體者三家渾蓋之術具存而宣夜之法絕滅有意續之而未
遑也近見姚元道造昕天論又觀族祖河間立意穹天論鄙意多
喜曰爲天高窮于無窮地深測于不測天確乎在上有常安之形
地魄焉在下有居靜之體當相覆冒方則俱方圓則俱圓無方圓
不同之義也其光曜布列各自運行猶江海之有潮液萬品之有
行藏也渾蓋之家依易立說云天運無窮或謂渾然包地或謂渾
然而蓋愚謂若必天裹地伯卯含黃則地是天中一物聖人何別
爲名而配天乎古之遺語日月行于飛谷謂在地中也不聞列星
復流于地又飛谷一道何曰容此且谷有水體日爲火精水炭不
共器得無傷日之明乎此蓋天所已爲臣難也或難曰周禮有方
圓之丘祭天地則知乾坤有方圓體也荅曰郊祭大報天而主日
配日月形圓丘侑之非天體也方者別之于天尊卑異位何足怪

哉周髀之術多是蓋天蓋天雖與渾異而星辰有常數今陳氏見髀上觀周因言周渾周髀宣夜或人姓名猶星家有甘石也蓋天之體轉四方地卑不動天周其上故云周髀宣明也夜幽也幽明之數其術兼之故曰宣夜

宋書天文志一隋書天文志上御覽二

中山王睦立禰廟論

譙與中山俱始封之君父非諸侯尊同敵體無所爲厭竝立禰廟恩情兩伸苟議是也詔書所喻恐非禮意今上祭四代自己諸侯位尊得申其恩祭及四代不論毀且不毀爲始封之君則譙王雖承父統禰廟亦在應毀之例不得長立也又安平獻王自爲始封諸子雖別封而同爲諸侯諸侯尊同不復各立此則公子爲諸侯不得立禰廟也而譙王父非諸侯使與諸侯同列不得竝祭或難曰禮庶子不祭禰明其宗也若俱得祭父則竝統二嫡非明其宗也答曰若宗子與庶子位俱爲士禰已有廟無爲重設與公子爲

諸侯不立廟廟同也若尊卑不同則已恩得施竝祭無嫌也禮大夫三廟太祖百代不遷者也使大夫之後有庶統爲諸侯者當上祭四代四代之前不得復祭若當尊宗則大夫太祖爲廢其祀已此推之明得兼祭一者恩得伸隨代而毀一者繼太祖百代不替也通典五十一中山王睦乞立廟廟劉喜等議曰爲未得立廟荀顗議曰爲宜各得立廟詔從顗議又詔從劉喜前奉施行虞喜曰云

釋滯

漢魏以來先儒論禮及喪服變除者皆言大夫降其舅親爲士者一等時人或班駁行之自謂合禮案喪服經傳始封之君不臣諸父兄弟封君之子不臣諸父封君之孫盡臣之矣夫始封之君尙服諸父昆弟而始爲大夫便降舅親尊者就重而卑者卽輕輕重顛倒豈禮意哉然當有意此爲據諸侯成例包于大夫已相兼通也如此則一代爲大夫不降諸父二代爲大夫不降兄弟三代爲

大夫皆降之。古者貴大夫有采邑。繼位不止一身。魯之三桓。鄭之七穆。皆自此也。或問曰。今大夫雖不繼位。亦有三代皆爲大夫者。名例相準。必當隨古乎。荅曰。古重今輕。位無常居。使吾處之。志不存降。通典九十三

古者不降上下。各目其親。此殷目前也。降殺之禮。始之于周。然先所未臣。不忍卽臣之。故爲之服也。此當出逸禮。探之曰。爲義。滕伯文爲叔父。齊衰。旣周代諸侯而從殷禮也。若殷時諸侯通爾。非獨一人。指論滕伯。欲曰。何明明其在周。遠追于殷。引古證今耳。通典九十

通疑

據文云。父稅子不當其時。則服之可知也。當時雖服。猶生不相見。則恩義疏。不責非時之恩于人。目情恕之也。若父已他故居異邦。生已復更居一邦。生弟。然則例不稅服。曰生不相見。故也。文上言

不及而下有弟字者明生不及相見理中可有弟矣已死而兄亦不稅此義兩施非衍也

通典九十八喪服小記生不及祖父母謂父昆弟而父稅喪已則否劉智云弟衍字

慈母雖賤服之如母明矣其父先亡已養于祖曰祖母之服服之

周可也不得復傳重三年同于繼祖母也

通典九十八庶祖母慈祖母服

或曰當終身服喪如是曾閔所能僅行非凡人所逮也謂宜三年

求之不得乃制服居廬祥禫而除

通典九十八父母乖離

釋疑

若如鄭意既耐明月練而祭又明月祥此則葬至祥合爲三月適

足爲一時何得言不同時而除練祥皆周之正數再祭當爲練祥

不得闕而用禫又案袁準云有練無祥失之矣鄭玄言練祥是也

余謂喪服既終葬已踰月然猶再祭者存其大制耳此二祭蓋同

日而異時時謂日也非三月之時禮亦有一日再祭檀弓云是日

也曰吉祭易喪祭

通典一百三

志林

孫討逆殺于吉事江表傳所載不實

初順帝時琅邪宮崇詣闕上師于吉所得神書于曲陽泉水上白素朱界號太平青領道凡百卷順帝至建安中五六十歲于吉是時近已百年年在老悛禮不加刑又天子巡狩問百年者就而見之敬齒已親愛聖王之至敎也吉罪不及死而暴加酷刑是乃謬誅非所已爲美也喜推攷桓王之薨建安五年四月四日是時曹袁相攻未有勝負案夏侯元讓與石威則書袁紹破後也書云授孫資已長沙業張津已零桂此爲桓王于前亡張津于後死不得相讓譬言津之死意矣

吳志孫討逆傳注

吳主推五德之運已爲土行用未祖辰臘

土行已辰臘得其數矣土盛于戌而巳未祖其義非也土生于未故未爲坤初是巳月令建未之月祖黃精于郊祖用其盛今祖用

其始豈應運乎

吳志大帝權傳注

章昭吳書不爲丞相孫邵立傳

吳之創基邵爲首相史無其傳魏嘗怪之嘗問劉聲叔聲叔博物君子也云推其名位自應立傳項峻吳孚時已有注記此云與張惠恕不能後章氏作史蓋惠恕之黨故不見書

吳志大帝權傳注

吳主論郊祀

吳王糾駿郊祀之奏追貶匡衡謂之俗儒凡在見者莫不慨然曰爲統盡物理達于事宜至于稽之典籍乃更不通毛氏之說云堯見天因邵而生后稷故國之于邵命便事天故詩曰后稷肇祀庶無罪悔曰迄于今言自后稷以來皆得祭天猶魯人郊祀也是曰械櫟之作有積燎之薪文王郊鄩經有明文匡衡豈俗而枉之哉文王雖未爲天子然三分天下而有其二伐崇黜黎祖伊奔告天既棄殷乃眷西顧太伯三讓曰有天下文王爲王于義何疑然則

匡衡之奏有所未盡案世宗立甘泉汾陰之祠皆出方士之言非據經典者也方士曰甘泉汾陰黃帝祭天地之處故孝武因之遂立二時漢治長安而甘泉在北謂就乾位而衡云武帝居甘泉祭于南宮此既誤矣祭汾陰在水之隄呼爲澤中而衡云東之少陽失其本意此自吳事于傳無非恨無辨正之辭故矯之云

吳志大帝權傳

諸葛恪不受呂岱戒

初權病篤召恪輔政臨去大司馬呂岱戒之曰世方多難子每事必十思恪曰昔季文子三思而後行夫子曰再思可矣今君令恪十思明恪之劣也岱無已荅當時咸謂之失言虞喜曰夫託曰天下至重也呂人臣行主威至難也兼二至而管萬幾能勝之者鮮矣自非採納羣謀詢于芻蕘虛已受人恆若不足則功名不成勳績莫著況呂侯國之元首智度經遠而甫曰十思戒之而便曰示

劣見拒此元遜之疏乃機神不俱者也若因十思之義廣諮當世之務聞善速于雷動從諫急于風移豈得隕首殿堂死囚豎之刃世人奇其英辨造次可親而哂呂侯無對爲陋不思安危終始之慮是樂春藻之繁華而忘秋實之甘口也昔魏人伐蜀蜀人禦之精嚴垂發六軍雲擾士馬擐甲羽檄交馳費禕時爲元帥荷國任重而與來敏圍恭意無厭倦敏臨別謂禕君必能辦賊者也言其明略內定貌無憂色況長寧曰爲君子臨事而懼好謀而成者且蜀爲叢爾之國而方向大敵所規所圖惟守與戰何可矜已有餘晏然無戚斯乃性之寬簡不防細微卒爲降人郭脩所害豈非兆見于彼而禍成于此哉往聞長寧之甄文偉今觀元遜之逆呂侯二事體同故竝而載之可曰鏡譏于後永爲世鑒

吳志諸葛恪傳注

虞預

預字叔寧喜弟本名茂避明穆皇后母諱改初爲縣功曹被斥

太守庾琛命爲主簿紀瞻代琛復爲主簿轉功曹史察孝廉不行元帝爲丞相召行參軍兼記室及踐位除著作佐郎大興中琅邪國常侍遷祕書丞著作郎咸和中從平王含賜爵西鄉侯假歸太守王舒請爲諮議參軍蘇峻平進封平康縣侯遷散騎侍郎除散騎常侍致仕有晉書四十四卷會稽典錄二十四卷諸虞傳十二卷集十卷

請祕府布紙表

祕府中有布紙三萬餘枚不任寫御書而無所給愚欲請四百枚付著作史書寫起居注

初學記二十一引兩條

上疏請簡良將

臣聞承平之世其教先文撥亂之運非武不克故牧野之戰呂望杖鉞淮夷作難召伯專征獫狁爲暴衛霍長驅故陰陽不和擢士爲相三軍不勝拔卒爲將漢帝既定天下猶思猛士曰守四方孝

文志存鉅鹿。馮唐進說。魏尙復守。詩稱赳赳武夫。公侯干城折衝之佐。豈可忽哉。況今中州荒弊。百無一存。牧守官長。非戎貊之族。類卽寇竊之幸。脫陛下登阼。威暢四遠。故令此等反善向化。然狼子獸心。輕薄易動。羯虜未殄。益使難安。周撫陳川。相係背叛。徐龕騎黯。無所拘忌。放兵侵掠。罪已彰灼。昔葛伯違道。湯獻之牛。吳淠失禮。錫呂几杖。惡成罪著。方復加戮。龕之小醜。何足不滅。然豫備不虞。古之善教。矧乃有虞。可不爲防。爲防之術。宜得良將。將不素簡。難已應敵。壽春無鎮。祖逖孤立。前有勁虜。後無係援。雖有智力。非可持久。願陛下諮之羣公。博舉于眾。若當局之才。必允其任。則宜獎厲。使不顧命。旁料穴狠。或有可者。厚加寵待。足令忘身。昔英布見慢。恚欲自殺。出觀供置。然後致力。禮遇之恩。可不隆哉。誠知山河之量。非塵露可益。神鑒之慮。非愚淺所測。然匹夫嫠婦。猶有憂國之言。況臣得廁朝堂之末。蒙冠帶之榮者乎。

晉書虞預傳

上書請舉賢才

大晉受命于今五十餘載、自元康已來、王德始闕、戎翟及于中國、宗廟焚爲灰燼、千里無烟爨之氣、華夏無冠帶之人、自天地開闢、書籍所載、大亂之極、未有若茲者也、陛下曰聖德先覺、超然遠鑒、作鎮東南、聲教遐被、上天眷顧、人神贊謀、雖云中興、其實受命、少康宣王、誠未足喻、然南風之歌可著、而陵遲之俗未改者、何也、臣愚謂爲國之要、在于得才、得才之術、在于抽引、苟其可用、雖賤必舉、高宗文王、思佐發夢、拔巖徒目爲相、載鈞老而師之、下至列國、亦有斯事、故燕重郭隗、而三士競至、魏式千木、而秦兵退舍、今天下雖弊、人士雖寡、十室之邑、必有忠信、世不乏驥、求則可致、而東帛未賁于丘園、蒲輪頓轂而不駕、所目大化不治、而雍熙有闕者、也、晉書虞預傳太興二年大旱詔求謠言直諫之士預上書諫曰云云

父母乖離議

子當越他境曰求其舟楫所經人迹所至可前而進見難而退若山川之險非身所涉雖欲沒命則孝道不全宜廢榮利之勢居惟悴之感純慘怛之行表德義之所先也

通典九十八

致雨議

臣聞天道貴信地道貴誠誠信者蓋二儀所曰生植萬物人君所曰保乂黎烝是曰殺伐擬于震電推恩象于雲雨刑罰在于必信慶賞貴于平均臣聞間者曰來刑獄轉繁多力者則廣牽連逮曰稽年月無援者則嚴其槓楚期于入重是曰百姓嗷然感傷和氣臣愚曰爲輕刑耐罪宜速決遣殊死重囚重加曰請寬徭息役務遵節儉砥礪朝臣使各知禁蓋老牛不犧禮有常制而自頃眾官拜授祖贈轉相夸尙屠殺牛犢動有十數醉酒流湏無復限度傷財敗俗所虧不少昔殷宗脩德曰消桑穀之異宋景善言曰退災惑之變楚國無災莊王是懼盛德之君未嘗無眚應曰信順天祐

乃隆臣學見淺闇言不足採

晉書虞預傳咸和初夏旱詔
眾官各陳致雨之意預議

奏記會稽太守庾琛

軍寇已來賦役繁數兼值年荒百姓失業是輕徭薄斂寬刑省役
之時也自頃長吏輕多去來送故迎新交錯道路受迎者惟恐船
馬之不多見送者惟恨吏卒之常少窮奢竭費謂之忠義省煩從
簡呼爲薄俗轉相放效流而不反雖有常防莫肯遵脩加已王塗
未夷所在停滯送者經年永失播植一夫不耕十夫無食況轉百
數所妨不訾愚謂宜勒屬縣若令尉先去官者人船吏侍皆具條
列到當依法減省使公私允當又今統務多端動加重制每有特
急輒立督郵計今直兼三十餘人人船吏侍皆當出官益不堪命
宜復減損嚴爲之防

晉書虞
預傳

與丞相王導牋

伏見前祕書光祿大夫荀公生于積德之族少有儒雅之稱歷位

內外。在貴能降。蘇峻肆虐。乘輿失幸。公處嫌疑之地。有累卵之危。朝士爲之寒心。論者謂之不免。而公將之曰。智險而不懼。扶侍至尊。纒縈不離。雖無扶迎之勲。宜蒙守節之報。且其宣慈之美。早彰遠近。朝野之望。許曰。台司雖未正位。已加儀同。至守終純固。名定閭棺。而薨卒之日。直加侍中。生有三槐之望。沒無鼎足之名。寵不增于前秩。榮不副于本望。此一時愚智所慷慨也。今承大獎之後。淳風頽散。苟有一介之善。宜在旌表之例。而況國之元老。志節若斯者乎。

晉書荀崧傳

與從叔父書

近或聞諸君。曰預入寺。便應委質。則當親事。不得徒已。然預下愚。過有所懷。邪黨互瞻。異同蜂至。一旦差跌。爪鼓交鳴。毫釐之失。差目千里。此古人之炯戒。而預所大恐也。

晉書虞預傳。宗人共薦預爲縣功曹。欲使沙汰穢濁。

預與從叔父書

晉書宣帝述

上雖服膺文藝，曰儒素立德，而雅有雄霸之量。值魏氏短祚，內外多難，謀而鮮過，舉必獨克。知人拔善，顯揚側陋。王基、鄧艾、州泰、賈越之徒，皆起自寒門，而著績于朝，經略之才，可謂遠矣。御覽九十五

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷八十三

烏程嚴可均校輯

謝衡

陳國陽夏人泰康初國子博士惠帝時進祭酒有集二卷

王昌前母服議

愍身不幸去父母遠妻子妻子其家執義守節奉宗祀養舅姑育稚子後得歸還則固爲己妻父既爲妻子豈不爲母昌宜追服三

年

通典八十九 案王愍子昌事詳前竟陵王琳文

雖有二妻蓋有故而然不爲害于道義宜更相爲服

晉書禮志中

蘇宙事議

大夫去國其妻長子爲舊君服傳曰妻言與人同長子言未去也言去則無服矣是違諸侯之天子不反服違天子之諸侯亦不反服目在外也今之官長皆自外來假借一時共相君臨去則在外

體遠事絕恩輕義疏至于死亡隔限遠路或有難故不得時往奔

赴之義無所施也

通典九十九

爲皇太孫服齊衰朞議

諸侯之太子誓與未誓尊卑體殊喪服亡爲嫡子長殤謂未誓也

三誓則不殤也

宋書禮志二

謝尙

尙字仁祖衡孫司徒王導辟爲掾襲父鯢爵咸亭侯轉西曹屬
遷會稽王友補給事黃門侍郎出爲建武將軍歷陽太守轉督
江夏義陽隨三郡軍事江夏相建元中遷南中郎將督豫州四
郡領江州刺史轉西中郎將督揚州六郡豫州刺史假節鎮歷
陽進安西將軍兵敗降號建威將軍徵授給事中戍石頭永和
中拜尙書僕射出爲前將軍都督江西淮南諸軍事豫州刺史
鎮歷陽入朝署僕射事進鎮西將軍鎮壽陽升平初徵拜衛將

軍未至卒諡曰簡有集十卷

談賦

斐斐靡靡若有若無理玄旨邈辭簡心虛

書鈔九十八

遭亂父母乖離議

典禮之興皆因循情理開通弘勝如運有屯夷要當斷之曰大義夫無後之罪三千所不過今婚姻將曰繼百世崇宗緒此固不可塞也然至于天屬生離之哀父子乖絕之痛痛之深者莫深于茲夫曰一體之小患猶或忘思慮損聽察況于抱傷心之巨痛懷怛之至戚方寸旣亂豈能綜理時務哉有心之人決不冒榮苟進冒榮苟進之儔必非所求之旨徒開偷薄之門而長流弊之路或有執志丘園守心不革者猶當崇其操業曰弘風尚而況含艱履戚之人勉之曰榮貴邪

于理非

晉書謝尚傳轉西曹屬時有遭亂與父母乖離議者或曰仕進理王事婚姻繼百世

嫌尚議

與張涼州書

今致五尺金斷頭刀一口

御覽三百四十六

與楊征南書

今餉五尺金頭刀碧綾車甲楯

書鈔一百二十三初學記二十二御覽三百四十六

謝安

安字安石，尚從弟，寓居會稽，屢徵不就。年四十餘，桓溫請爲征西司馬，除吳興太守，徵拜侍中，遷吏部尚書中護軍，孝武卽位，爲尚書僕射，領吏部，加後將軍，總中書事。又領揚州刺史，進中書監，驃騎將軍，錄尚書事，加司徒，復加侍中都督揚豫徐兗青五州幽州之燕國諸軍事，假節，拜衛將軍，開府儀同三司，封建昌縣公，封堅入寇，加征討大都督，堅破，進拜太保，都督揚荆司豫徐兗青冀幽并益雍梁十五州軍事，加黃鉞，尋爲會稽王道子所構，出鎮廣陵之步丘，卒，贈太傅，更封廬陵郡公，謚曰文。

揚下脫
江字

靖

上疏論王恭

王恭超登清任當虛心乘理

文選任昉王文憲集序注引晉中興書

魏臨周喪拜時議

拜時雖非正典代所共行久矣將目三族多虞歲有吉忌故逆成

其禮

通典五十九太和中平北將軍郗愔上言魏臨周喪內迎婦拜時謝安議

簡文帝諡議

謹案諡法一德不懈曰簡道德博聞曰文易簡而天下之理得觀

乎人文化成天下儀之景行猶有彷彿宜尊號曰太宗諡曰簡文

世說文學篇注引劉謙之晉紀

遺王坦之書

知君思相愛惜之至僕所求者聲謂稱情義無所不可爲聊復目

自娛耳若絜軌迹崇世教非所擬議亦非所屑常謂君粗得鄙趣

者猶未悟之濠上邪故知莫逆未易爲人

晉書王坦之傳

與某書

安頓首頓首每念君一旦知窮煩冤號慕觸事崩踊尋繹荼毒豈

可爲心奈何奈何臨書淒悶安頓首頓首

范化閣帖二

六月廿日具記道民安惶恐言此月向終惟祥變在近號慕崩痛

煩冤深酷不可居處比奉十七十八日二告承故不和甚馳灼大

熱尊體復何如謹白記不具謝安惶恐再拜

同上

與支遁書

思君日積計辰傾遲知欲還刻自治甚已悵然人生如寄耳頃風

流得意之事殆爲都盡終日慙慙觸事惆悵唯遲君來已晤言消

之一日當千載耳此多山縣閑靜差可養疾事不異刻而盤藥不

同必思此緣副其積想也

高僧傳四

謝萬

萬字萬石安弟弱冠辟司徒掾遷右西曹屬不就簡文帝作相
召爲撫軍從事中郎遷豫州刺史領淮南太守監司豫冀并四
州軍事假節軍潰廢爲庶人卒贈散騎常侍有集十六卷

春遊賦

青陽司候句芒御辰陳滌灌已摧枯初莖蔚其曜新幕豐葉而爲
幄靡翠草而成綢于是遠嘯良儔近命嘉賓奏羽觴而交獻羅絲
竹已竝陳詠新服之璀璨想舞雩之遺塵撫鳴琴而懷古登脩臺
而樂春爾乃碧巘增邃灌木結陰輕雲掩曖日暮岫和風清冷而
啟衿初學記三引兩條

與子朗等疏

七月十日萬告朗等便流火感傷兼切不自勝奈何奈何轉涼涉
等各可可知近聞邑邑吾涉道動下疹乏劣力及不具告父疏化

閣帖

八賢頌

屈原

皎皎屈原玉瑩冰鮮舒采翡林摘光蚪川

初學記十七

楚老

楚老潛一寂翫無爲含貞内外載葦羽儀

初學記十七

七賢藉中散識

邈矣先生英標秀上希巢洗心擬莊託相乃放乃逸適茲俗網鍾

期不存奇音誰賞

初學記十七

八賢論

世說文學篇注引葛集載其敘四隱四顯爲八賢之論謂

爲優出者爲劣案此蓋八賢

頌卽繫于論後也其論今亡

駙馬都尉劉眞長誄

弱冠振纓結婚帝室綢繆姻婭連光雲日

初學記十

謝后

石字后奴安第六弟初拜祕書郎累遷尙書僕射封興平縣伯尋假節征討大都督呂破符堅功遷中軍將軍尙書令更封南康郡公遷衛將軍加散騎常侍進開府儀同三司卒贈司空諡曰襄

上疏請興復國學

立人之道曰仁與義翼善輔性惟禮與學雖理出自然必須誘導故洙泗闢弘道之風詩書垂軌範之典敦詩悅禮王化日斯而隆甄陶九流羣生于是乎穆世不常治道亦時亡光武投戈而習誦魏武息馬呂脩學懼墜斯文若此之至也大晉受命值世多阻雖聖化日融而王道未做庠序之業或廢或興遂令陶鑄闕日用之功民性靡素絲之益疊疊玄緒翳焉莫抽臣所已遠尋伏念寤寐永歎者也今皇威遐震戎車方靜將灑玄風于四區導斯民于至德豈可不弘敷禮樂使煥乎可觀請興復國學呂訓胄子班下州

郡普脩鄉校雕琢琳瑯和寶必至大啟羣蒙茂茲成德匪懈于事
必由之呂通則人競其業道隆學備矣

宋書禮志一

上疏

尸素朝端忽焉五載

文選褚淵碑注引晉中興書又齊安陸王碑注齊竟陵王行狀注

讓尚書令疏

尚書令國之冢司總括百揆憲範王猷式造羣辟故必簡德而授

量才而受

北堂書鈔五十九引晉中興書陳郡謝石字石奴遷衛將軍尚書令加散騎常侍上疏遜位

謝玄

玄字幼度安兄奕之第三子大司馬桓溫辟爲掾轉征西將軍

桓豁司馬徵拜建武將軍兖州刺史領廣陵相監江北諸軍事

進冠軍將軍加領徐州刺史封東興縣侯呂破苻堅功進前將

軍不受加都督徐兗青司冀幽并七州軍事封康樂縣公還鎮

淮陽移鎮東陽轉授散騎常侍左將軍會稽內史卒贈車騎將

軍開府儀同三司諡曰獻武

請旌表故梓潼太守周虓疏

臣聞旌善表功崇義明節所曰振揚聲教垂美來葉故西夷校尉梓潼太守周虓執心忠烈厲節寇庭遂嬰禍荒裔痛寘泉壤臣每悲其志曰爲蘇武之賢不復過也前宣告并州訪求虓喪并索其家負荷數千始得來至卽曰資送還其舊隴伏願聖朝追其至心表其殊節使負霜之志不墜于地則榮慰存亡惠被幽顯矣

晉書周虓

傳虓病卒于太原其子翼迎致其喪冠軍將軍謝玄親臨哭之因上疏云云孝武帝詔贈龍驤將軍益州刺史

上疏經略河北

方平河北幽冀宜須總督司州懸遠應統豫州

晉書謝玄傳

疾篤上疏

臣曰常人才不佐世忽蒙殊遇不復自量遂從戎政驅馳十載不辭鳴鏑之險每有征事輒請爲軍鋒由恩厚忘軀甘死若生也

有毫釐上報榮寵天祚大晉王威屢舉實由陛下神武英斷無思
不服亡叔臣安協贊雍熙日成天工而雰霧尙翳六合未朗遺黎
塗炭巢窟宜除復命臣荷戈前驅董司戎首冀仰憑皇威宇宙寧
一陛下致太平之化庸臣日塵露報恩然後從亡叔臣安退身東
山日道養壽此誠已形于文旨達于聖聽矣臣所日區區家國實
在于此不謂臣愆咎夙積罪鍾中年上延亡叔臣安亡兄臣靖數
月之間相遂殂背下逮稚子尋復天昏哀毒兼纏痛百常情臣不
勝禍酷暴集每一慟殆斃所日含哀忍悲期之必存者雖哲輔傾
落聖明方融伊周嗣作人懷自厲猶欲伸臣本志隆國保家故能
豁其情滯同之無心耳去冬奉司徒道子告括囊遠圖逮問臣進
止之宜臣進不達事機日蹙境爲恥退不自揆故欲順其宿心豈
謂經略不振自貽斯戾是日奉送章節待罪有司執御常儀實有
媿心而聖恩赦過黜法垂宥使抱罪之臣復得更名于所司木石

猶感而況臣乎。願將身不良動與學會。謙德不著。害盈是荷。先疾
既動。便至委篤。陛下體臣疾重。使還藩淮。佩甫欲休兵。靜眾綏懷。
善撫兼苦。自療冀日月漸瘳。繕甲俟會。思更奮迅。而所患沈頓。有
增無損。今者憊憊。救命朝夕。臣之平日。率其常短。加己匪懈。猶不
能令政理弘宣。況今內外天隔。永不復接。寧可臥居重任。已招患
慮。追尋前事。可爲寒心。臣之微身。復何足惜。區區血誠。憂國實深。
謹遣兼長史劉濟重奉送節蓋章傳。伏願陛下垂天地之仁。拯將
絕之氣。時遣軍司鎮慰荒雜。聽臣所乞。盡醫藥消息。歸誠道門。冀
神祇之祐。若此而不差。脩短命也。使臣得及視息。瞻覩墳柏。目此
之盡公私。真無恨矣。伏枕悲慨。不覺流涕。晉書謝
玄傳

病久不差又上疏

臣同生七人。凋落相繼。惟臣一己孑然獨存。在生荼酷。無如臣比。
所已含哀忍痛。希延視息者。欲報之德。實懷罔極。庶蒙一瘳。申其

此志且臣孤遺滿目顧之惻然為欲極其求生之心未能自分于灰土悽悽之情可哀可愍伏願陛下矜其所訴霈然垂恕不令微

臣銜恨泉壤晉書謝友傳

為戴逵上疏請絕召命

伏見誰國戴逵希心俗表不嬰世務棲遲衡門與琴書為友雖策命屢加幽操不回超然絕迹自求其志且年垂耳順常抱羸疾時或失適轉至委篤今王命未回將離風霜之患陛下既已愛而器之亦宜使其身名並存請絕其召命晉書隱逸戴逵傳會稽內史謝玄慮逵遠遜不反乃上疏

云云帝許之

與姊書

此二日來行遊步園中已極有任家湖形模也姊相矚此亦有所

散御覽八百二十四

與兄書

居家大都無所爲。正日垂綸爲事。足日永日。北固下大鱸一出。釣得四十七枚。御覽八百三十四

又與兄書

昨日疏成後出釣。手所獲魚。已爲二坵。昨今奉送。御覽八百三十四

與婦書

昨日疏成後出釣。所獲魚。已爲二坵。今奉送。思更無事也。書鈔一百

四十六又御覽八百六十二作一坵

書

奉糧穀十斛。是釣池上之所種。御覽八百三十七

謝混

混字叔源。小字益壽。安孫。襲父琰爵。望蔡公。尚主。歷中書令。中領軍。尚書左僕射。領選。坐劉毅誅。有集五卷。

殷祭議

殷無定日、攷時致敬、且禮意向簡、去年十月祠、雖于日有差、而情
典允備、宜仍目爲正、宋書禮志三
謝混劉瑛議

謝琨

琨、爵里未詳、案藝文類聚目爲宋人下文稱蘇彥何瑛伏系之
皆爲宋人知諸宋字皆晉之誤琨與混形相近今
姑編于謝混
之後俟攷

秋夜長

秋夜長兮、雖欣長而悼速、送晨暉于西嶺、迎夕景于東谷、夜旣分
而氣高、風入林而傷綠、燕翩翩以辭宇、雁邕邕而南屬、藝文類
聚三

許猛

猛字子豹、高陽人、魏鎮北將軍許允次子、泰康初吏部郎守國
子博士、元康中爲幽州刺史

王昌前母服議

絕有三道、有義絕者、犯七出也、有法絕者、目王法絕、有地絕者、目

殊域而絕其夫絕妻如紀叔姬其逼呂王法隔呂殊域而更聘嫡室者亦爲絕矣是呂禮有繼母服無前母制是呂前母非沒則絕故也呂昌前母雖在猶不應服若昌父在則唯命矣依禮記昌惟宜追服其兄耳

晉書禮志中通典八十九案王昌事詳前竟陵王楙文

又議

夫少婦稚則不可許呂改嫁更適矣今妻在許呂更聘夫存而妻得改醮者非絕而何

晉書禮志中

荅或問

或問許猛云爲人後時有昆弟後昆弟亡無後當得還否若得還爲主否猛荅曰喪服傳曰何如而可呂爲人後支子可也嫡子不得後大宗言大宗雖重猶不奪已之正呂後之也推此而論小宗無支子則大宗自絕矣子不絕父之後本家無嗣于義得還出後者還本追服

通典九十六

或問云君無道而臣見黜放君薨爲服否許猛荅曰君無道則當三諫不從則適他國若旣亡不越境君雖無道猶責臣禮通典九十九

荅步熊問

步熊問許猛曰爲人後而所後之母見出當何服猛曰爲人後者若子繼母言如母夫言若如者明其制如親其情則異也繼母如母則異于親子矣通典九十六

步熊問改葬但言臣子妻爲君父夫三者而孫爲祖後亦宜總不審受重于祖父亡後祖墓崩不知云何許猛云案經文曰謂諸有三年者皆當總如注意舉此三者明唯斬者耳今父卒孫爲祖後而葬祖雖不受重于祖據爲主雖不爲祖斬亦制總曰葬也通典一百一

惲泰康初爲侍中領博士

王昌前母服議

昔舜不告而娶婚禮蓋闕故堯典曰釐降二女爲文不殊嫡媵傳記曰妃夫人稱之明不立正后也夫曰聖人之弘帝者嫡子猶權事而變曰定典禮黃昌之告新妻使避正室時論許之推姬氏之讓執黃卿之決宜使各自服其母

晉書禮志中

郭欽

欽西河人泰康初侍御史

上豫防匈奴疏

戎狄彊獫歷古爲患魏初人寡西北諸郡皆爲戎居今雖服從若百年之後有風塵之警胡騎自平陽上黨不三日而至孟津北地西河太原馮翊安定上郡盡爲狄庭矣宜及平吳之威謀臣猛將之路出北地西河安定復上郡實馮翊于平陽已北諸縣募取死

罪徙三河三魏見士四萬家呂充之裔不亂華漸徙平陽弘農魏郡京兆上黨雜胡岐四夷出入之防明先王荒服之制萬世之長策也

晉書匈奴傳又見文選干寶晉紀總論注引干寶晉紀又見羣書治要二十九引干寶紀並小異

震

震失其姓泰康初毘陵僚屬

周喪察舉議

孝舉古之名貢尋名責實模格宜高夫呂宜高之資必曰邁俗爲稱勤擬清流行願禮典況齊衰之喪身有伯叔之痛腰麻貫經對而不言不處大夫之位不統邑宰之官時無盟戰代無寇戎不受聘使之命不率師旅之役喪禮宜備哀情宜畢古者周喪過三月而從政謂若今之職司有公除也公除之制蓋由近者多事在官不復從禮權宜之事耳今當舉者咸出布衣或在吏次且貢選之道在不拘之地推讓之宜得順其心官無推讓之刑法無必行之

制平日且猶遜讓況周年之憂乎若從公除則非正官之例也若從高貢之舉于情爲慢喪于舉爲昧榮改之于禮義則未聞今戎車未息禮制與古不同今諸王官司徒吏未嘗在職者其高足成有一舉便登黃散其次中尚書郎被召有周喪正假一月耳何至孝廉獨不可耳爲孝廉之舉美于黃散邪如所論呂貢孝廉之舉則至朝臣復何已恕之宜依據經禮分別州國之吏與散官不同通典一百一昆陵內史論江南貢舉事震議云云

又議

震曰王官司徒吏皆先由州郡之貢而後升在王廷冊名委質列爲帝臣選任唯命義不得辭故遭周喪得從公尊之制周則迫命俯從至于州郡之吏未嘗與王官同體其舉也曰孝順爲名曰廉讓爲務在不制之限于時可得固讓于宜可得不行況兼周喪焉可許乎據情責實于義不通苟居容退之地雖小必讓苟在不嫌

之域雖大不辭是黃散可受而孝廉可拒也故在孝得申之位動則見恕是呂州國之與王官不同之理在乎此矣若乃權時之宜越常從變則孝非特命之徵舉非應務之首慶代無縱橫之務校禮則不覩其事唯宜折之曰禮從其優者也

通典一百一

賜進士出身二品銜廣東等處提刑按察使司按察使兼管驛傳事務黃岡王毓藻校刊